

安胡乃字良爾。布奈能里須良牟。乎等女良我。安可毛能須素爾。之
保美都良武賀。此哥卷一に出たりくはしくそこにみゆ

又前に同しければすてつ

今本こゝに七夕哥一首と標せれと月の哥にて此舟路にて月の出たるを見て古き哥をおもひ出でうたへる也此卷是まての例に違へれば極めて後人のおもひ誤てさかしらして書加へたるなれば捨つ

於保夫禰爾。麻可治之自奴伎。宇奈波良乎。許藝豆天和多流。月人

乎登枯。今本枯を粘に誤る

右當所誦詠古哥

既云如く前の書體によりて始をすてこゝに此目をあく又今本こゝに右柿本朝臣云々と有も既云如くなれば捨

備後國水調郡

和名抄に御調郡

長井浦船泊夜作哥三首

八調人貞

安乎爾與之。

冠

奈良能美也故爾。由久比等毛我母。久佐麻久良。

冠

多妣由久布禰能。登麻利都礙武仁。

旋頭哥と今本こゝに小書せるも後人のわさなれば捨

右一首大判官

此大判官ははしめにするせし遺新羅使の事なれば續紀に従六位上壬生使主宇太鷹とあるこれなり

○海原乎。夜蘇之麻我久里。

こは數さはなる嶋くをこきすきゆくをいふ也

伎奴禮杼母。奈良能美

也故波。和須禮可禰都母。

可敝流散爾。伊母爾見勢武爾。和多都美乃。於伎都白玉。比利比豆

由賀奈。

利呂同言にてひろひてゆかんなり奈はいひきはむる詞也

風速浦

備後

船泊之夜作哥一首

和我由惠仁。妹奈氣久良之。風午能。宇良能於伎傲爾。奇里多奈妣

家利。

奈牙伎の奈は禰阿約にて音
擧の言に加行の語を働云

於伎都加是。伊多久布伎勢波。和伎毛故我。奈氣伎能奇里爾。

なけきは
長息也沙

くもりをやかて霧といふさて沙曇は風の發に従て立と
海邊のいへり此鹽くもりをきりといふは集中にあり

安可麻之母能乎。

哥の意は妹かなけきのつよ
きとしてよめる也こは海邊

すこし風ある比によめるなれば猶風吹て
沙曇つよからはあくまでふかんとなり

安藝國長門島泊磯邊作哥五首

伊波婆之流。

冠

多伎毛登杼呂爾。

鳴といは
ん序なり

鳴蟬乃。許惠乎之伎氣婆。

京師之於毛保由。

此哥は磯邊にてよめる哥なれば其邊
のいそに鳴せみをききたるなるへし

上には音舉といひ
こもには長息也といひ
有は末にては一つ
心とも成へればと
さためならぬ言也

右一首大石蓑麿

此人も此度の使人
のうちなるへし

夜麻河伯能。伎欲吉可波世爾。安蘇倍杼母。奈良能美夜古波。和須

禮可禰都母。

伊蘇乃麻由。

石の間より也いは
はしると云に同

多藝都山河。

此間に爾乃如を
入てこゝろ得へし

多延受安良婆。

身

つゝがなきを山川
にいひよせし也

麻多母安比見牟。秋加多麻氣氏。

あきかたまけ也秋のかたにむかひて
也既にもいふさてあひ見むは此所の

景色をいふか古へ人は景色をみてかゝる意によむ多
かれど前後の哥意もて見れば古郷の妹忍ぶ成らん

故悲思氣美。奈具左米可禰氏。比具良之能。奈久之麻可氣爾。伊保

利須流可母。

和我伊能知乎。

乎は助字かろく見るへしこは見てをわたらんなどの乎の如し

奈我刀能之麻能。小松原。

松原を見てふりし

世には小松原なりけんと思し也

伊久世乎倍豆加。可武佐備和多流。

かみさびの上に如是をそへて心得へし

從長門浦舶出之夜仰觀月光作哥三首

月余美乃。比可里乎伎欲美。由布奈藝爾。加古能古惠欲妣。

俗によばひなり

宇良末許具可母。

うら間も磯間といふに同じ浦の誤なり

山乃波爾。月可多夫氣婆。伊射里須流。安麻能等毛之備。於伎爾奈

都佐布。

月の光のうすくなるより沖の舟のいさり火のなみにゆられて見えきたるをよめりなつさふはなつみさはる也さはるはそはるに同じ佐曾同言なればなり

和禮乃未夜。欲布禰波許具登。於毛倣禮婆。於伎倣能可多爾。可治

能於等須奈里。

能於等須奈里

古挽哥一首并短哥

今本古の字を右に作るは誤也左の哥こそ挽哥なれさて古の字をおきたるは此前後皆新羅使の哥をあげたれば此哥はさきによみたる挽哥をこゝにおも

ひ出るまにくしるすなれは古きとは書たるなりけり

由布佐禮婆。安之倣爾佐和伎。安氣久禮婆。於伎爾奈都佐布。可

母須良母。都麻等多具比豆。和我尾爾波。

こをわが尾にはと訓也と云説もわるからねと此哥廿三言悉音を用ゆこゝにのみ訓を用

ゆへきにあらす尾と訓て意にたかふ事なし既和我とさへ書しをおもへはよみこせのまゝぞやすからめ

之毛奈布里曾等。之路多倍乃。

此しろたへを

鴨にしろきはなきなと云はいりほがなりこは鴨の羽に霜おきたるを白たへの如くとたとへたり既下に打はらひと云は霜をはらひ也こをもても上の我尾と云も尾斗ならぬを思へ

波禰左之可倍

氏。宇知波良比。左宿等布毛能乎。

句也さは發語ぬるといふものをなり

由久美都能。可

此次の巻に小埜沼鴨をよめるに前玉之小埜乃沼鴨會とよめるに合見るへし

倣良奴其等久。布久可是能。美延奴我其登久。安刀毛奈吉。與能比

登爾之豆。現身を云和可禮爾之。伊毛我伎世豆思。奈禮其呂母。著馴衣也蘇豆

加多思吉氏。比登里可母禰牟。

反哥一首

多都我奈伎。安之倣乎左之豆。等妣和多類。安奈多頭多頭志。比等

里佐奴禮婆。

多都我奈伎に手著なきをふくみさてすゑにたづきなきをうけてたづ／＼といひそれを序體に末の句を獨さぬれはととめたりつゞけがらは古に似て始の五言末まで働かせたりかゝるたくみをいひかなへんとするほとに古の哥のしらへはわすれて終に後世にながれたりされとは挽哥なれば此よみ人たくむとおもふ心もあらしを此少し前より折ふしことにかゝるたくひなるも見えたれば目うつれるすかたなるへし源氏須磨の巻にたづが鳴雪井にひとりねをぞなくつばさならへしともをわひつゞてふもこをよみうつせしならん

右丹比大夫悽愴亡妻

属物發思哥一首并短哥

安佐散禮婆。

あささればも夕さればなど同しくあさになれば也

伊毛我手爾麻久。

妹が手に設る也計留約久也

可我美奈

須。かゞみなすみとかゝるのみ也

美津能波麻備爾。於保夫禰爾。眞可治之自奴伎。

しむぬきはし

けく眞かちとるをいふなり

可良久爾爾。

新羅をいふなり

和多理由加武等。多太牟可布。

直向なり美奴

面乎左指天。之保麻知豆。美乎妣伎由氣婆。

美乎の乎は伊呂の約にて水色也水脈の字をあつるも水色を見れば也引は梶引

折などの引にて舟漕行也水脈を引てふ乎をはふけは妣と濁るは例也

於伎倣爾波。之良奈美多可美。宇良末欲理。

間

てほと許藝豆和多禮婆。和伎毛故爾。安波治乃之麻波。由布左禮婆。久

毛爲可久里奴。左欲布氣豆。由久敝乎之良爾。安我已許呂。安可志能宇良爾。こふる心をおもひあきらめるあかしといふなるへし但此哥のつゞけがら後の世の長哥のあしきさまをおしへたるつゞけ多し 布禰等米豆。宇伎

禰乎詞都追。和多都美能。於枳敝乎見禮婆。伊射理須流。安麻能乎

等女波。小船乘。都良良爾宇家里。運々にてつらくつらなるを云也 安香等吉能。曉はあくる時也 之

保美知久禮婆。安之辨爾波。多豆奈伎和多流。安左奈藝爾。布奈豆

乎世牟等。船人毛。船にのりたる人也即御使人ら也船の人の乃を異けば備と濁也こは船出すといふをかく云也 鹿子毛許惠欲妣。柔

保等里能。冠 奈豆左比由氣婆。伊敝之麻婆。播磨の地名也伊を省きて敝嶋といひけんを後に繪島と云にて既に假字もたが

久毛爲爾美延奴。安我毛敝流。許己呂奈具也等。波夜久伎豆。美

牟等於毛比豆。於保夫禰乎。許藝和我由氣婆。於伎都奈美。多可久

多知伎奴。與曾能未爾。見都追須疑由伎。多麻能宇良爾。此浦は前とは同名異地にて

備後 布禰乎等杼米豆。波麻備欲里。はまへなり 宇良伊蘇乎見都追。奈久古

奈須。禰能未之奈可由。たく也可由は久の延言也 和多都美能。多麻伎能多麻乎。手廻也わ

たづみの手にまきもたる白玉ともよめり 伊敝都刀爾。伊毛爾也良牟等。比里比等里。前にいふ如く拾ひ取也 素

豆爾波伊禮豆。可敝之也流。都可比奈家禮婆。毛豆禮杼毛。之留思

乎奈美等。麻多於伎都流可毛。此哥古言をましへいにしへめくさまによみたれとわか心あかしのうちらなどのつゞけがら後にちかくかゝるすかたより延喜

の比の長哥のさまにはなりくだりけん

反哥二首

多麻能字良能。於伎都之良多麻。比利敝禮杼。麻多曾於伎都流。見流比等乎奈美。

安伎左良婆。和我布禰波豆牟。和須禮我比。與世伎豆於家禮。家は伎豆の約

於伎都之良奈美。此哥はおのれはおもへと相おもはぬ妹か心をうらめる哥也遠國より歸來てわすれ貝のあらんをおもふはおのかせちにしぬはるゝをわす

おきてあれのあを畧るなり

周防國玖珂郡麻里布浦行之時作哥八首

眞可治奴伎。布禰之由加受波。ゆかすしてあらばをばふきいふ也見禮杼安可奴。麻里布能

字良爾。也杼里世麻之乎。今本一本ともに乎を牟に誤る假字をもて字をあらたむ

伊都之可母。見牟等於毛比師。安波之麻乎。周防の地名なるへし四國の事にてはこゝにかなはず與曾

爾也故非無。由久與思乎奈美。浪風あらしにおもひつゝこしあはしまをよそに見つゝあると也

大船爾。可之布里多豆天。物棹は既いふ如舟をつなぐ杭をいふ今もかしをたつるをかしをふると云これなり波麻藝欲伎。麻

里布能字良爾。也杼里可世麻之。こも浪風あらしに船泊せんかとなり

安波思麻能。安波自等於毛布。伊毛爾安禮也。既もある如くあればやなり夜須伊毛禰

受豆。安我故非和多流。夢にもあはしとおもふ妹にあればや風波あらくて吾はいをやすくねすて戀わたると也

筑紫道能。可太能於保之麻。周防に大嶋郡あれは可太もそのわたりの大名なるにや思末志久母。暫なり所の名を得てしばし

くといはん
序とせり 見禰婆古非思吉。伊毛乎於伎豆伎奴。

伊毛我伊敝治。知可久安里世婆。見禮杼安可奴。麻理布能宇良乎。

見世麻思毛能乎。

○伊敝妣等波。可敝里波也許等。伊波比之麻。周防の地名
なるへし 伊波比麻都

良牟。多妣由久和禮乎。古しへよりかく旅人を幾代を経てかいはひて此名を
負けん嶋の名の如家人のいはひて吾を待らんと也

久左麻久良。冠 多妣由久比等乎。伊波比之麻。伊久與布流末豆。伊

波比伎爾家牟。前の哥と此哥二首もていはふ心をへつくしよめり古はかくなたらかにやすらか也後
の世ぶりは家人のいはふといへじまの幾代か人をいはふを一首によみなす故こゝろむ

つかしく哥のす
がたたけからず

過大島鳴門而經再宿之後追作哥二首

巨禮也已能。名爾於布奈流門能。宇頭之保爾。多麻毛可流登布。安

麻乎等女杼毛。こはあやうき所にて玉藻かるをい
ひ傳へたるを聞てかくよめる也

右一首田邊秋庭 同じ御使人の
うちなるへし

奈美能宇倍爾。宇伎禰世之欲比。安杼毛倍香。豈思にて妹かなにその事を思ふか
して也七に舟をあどもひと

ふは葉ともなふにて別也次に吾妹子がいかにおもへかぬは玉のひとよもおちすいめにし見ゆるとあるは
似たりに安杼毛敝加あじくま山のゆづる葉のふゝまる時に風ふかずかもと云初句はこゝと同じ 許己

呂我奈之久。伊米爾美要都流。

熊毛浦 周防國熊毛郡熊毛
郷あり即其浦也 舶泊之夜作哥四首

美夜故邊爾。由可牟船毛我。可里許母能。冠 美太禮互於毛布。許登
都礙夜良牟。

右一首羽栗

同し度の丁男
なとなるへし

安可等伎能。伊敝胡悲之伎爾。宇良末欲理。可治乃於等須流波。安
麻乎等女可母。

於伎敝欲理。之保美知久良之。可良能宇良爾。

筑前唐泊か長門赤間より
たゞ一里の程なりといふ

安佐

里須流多豆。奈伎互佐和伎奴。

於吉敝欲里。布奈妣等能煩流。與妣與勢互。伊射都氣也良牟。多婢

能也登里乎。

一本に多妣能夜杼里乎、伊射都氣
夜良牟、とあるはしらべおとれり

佐婆海中忽遭逆風漲浪。漂流經宿而後幸得順風到著豊前

國下毛郡分間浦。於是追怛艱難。悽惻作哥八首

於保伎美能。美許等可之故美。於保夫禰能。由伎能麻爾末爾。夜杼

里須流可母。

右一首雪宅磨

下に見ゆる雪連宅滿也但登岐
雪同言なれは通し書たるなり

和伎毛故波。伴也母許奴可登。麻都良牟乎。於伎爾也須麻牟。住む
なり

伊敝都可受之互。

家にちかづか
ずしてなり

佐婆浦は周防三田
尻てふ所といへり
紀伊仲哀天皇筑紫
同縣熊野舟載奉迎
此外にも見ゆ

宇良末欲里。許藝許之布禰乎。風波夜美。於伎都美宇良爾。夜杼里須流可毛。美は例のほむる言也

和伎毛故我。伊可爾於毛倍可。おもへばかの婆をはふけり 奴婆多未能。冠 比登欲毛於

知受。伊米爾之美由流。既いふ如ゆめといはでいめと云此比まで古言を誤らぬ也

○宇奈波良能。於伎敝爾等毛之。乏はたらまほしを約て云也 伊射流火波。安可之豆登

母世。あかくし 夜麻登思麻見無。大和の國の見ゆるにはあらすおさなくよめる也

可母自毛能。冠 宇伎禰乎須禮婆。美奈能和多。冠 可具呂伎可美爾。

都由曾於伎爾家類。

比左可多能。冠 安麻豆流月波。見都禮杼母。雖見なり 安我母布伊毛爾。安

波奴許呂可毛。

奴波多麻能。欲和多流月者。波夜毛伊豆奴香文。宇奈波良能。夜蘇

之麻能字倍由。伊毛我安多里見牟。今本こゝに旋頭哥と小書せしはことさらに後人の注也

至筑紫館遙望本郷。悽愴作哥四首

○之賀能安麻能。筑前國糟屋郡式糟屋郡志加海神社と見ゆ然浦の地名也既にも出 一日毛於知受。也久之保能。

可良伎孤悲乎母。からきは五味にたとへてあまきくるしきなといふ如其さまをいふはた鹽は唐字の意もていはと鹹なれどもこゝにはそをもしほからしと云より辛しとしてかくつゞけり

安禮波須流香母。此哥ともは御使人等の旅の長路に古郷のならの妹子らをおもふあまりに地のものもて心をばへたるなり

思可能宇良爾。伊射里須流安麻。伊敝妣等能。漁する海人の家人等なり麻知古布良

牟爾。安可思都流宇乎。明の意にて夜あかし魚を釣をいふ哥の意は地につけて海人の家人の待戀るをいひて古郷人の戀るこゝろをよめるなり

可之布江爾。地名にて同國の中の入江なるとにて浪しつかなる所歟多豆奈吉和多流。之可能宇良爾。於

积都之良奈美。多知之久良思毛。しくは及の意にてしき浪也此哥は赤人の渴をなみあしへをさしてとよみしは沙のみちくる也それとは異にて然の

大浦に沖つ高浪の打しきればかしふ入江のなみしづかなるあたりに鳴わたるとよめる也一本に美知之伎奴良思とあり

伊麻欲里波。安伎豆吉奴良之。安思比奇能。冠夜麻末都可氣爾。日

具良之奈伎奴。こは磯山の松かげに鳴をよめると見ゆ此四首はつくしのたちにてよめると有に皆海邊のことなるは其館の海邊ならん

七夕仰觀天漢各陳所思作哥三首

安伎波疑爾。爾保敝流和我母。奴禮奴等母。伎美我美布禰能。都奈

之等理豆婆。織女になりてよめる也吾裳はぬるゝとも君かみふねのつなしとりてあらは也豆安良の約多なるを豆に通せる也

右一首大使

等之爾安里豆。年毎にあり待てたる一夜なり比等欲伊母爾安布。比故保思母。和禮爾

麻佐里豆。於毛布良米也母。哥の意は一年に一たひあふと云星よりもわか古郷の妹戀心はいやまさらめと也

由布豆久欲。可氣多知與里安比。安麻能我波。既いふ如く此比になりては古事記のおもむきの古言は誤れる也古は

あまつが許具布奈妣等乎。見流我等母之佐。哥の意は星の逢夜のともしといひて吾古郷の妹子等に逢ぬ久しきをそへてよめる也二

はと訓の句は夕附夜の影より星の立より逢也此二首も副使判官などのうたなるへし

海邊望月作哥九首

安伎可是波。比爾家爾布伎奴。和伎毛故波。伊都登加和禮乎。伊波

比麻都良牟。

こは秋にはかへらんでふわかれの時の哥あると末に妹がまつらん月は經につゝとあるをもて見れば其時やゝすぐるとよめるなりけり

大使之第二男

これは御使人の中にて行か又親にしたかひたゝに行しなどなるへし

可牟佐夫流。

此神さひは其地ふるきをいふのちにかうくしきと云も是なり

安良都能佐伎爾。

筑前國宗像郡大荒津に荒津あり是か

與須

流奈美。麻奈久也伊毛爾。故非和多里奈牟。

いつまでかくはこひわたらんすらんと也

右一首土師稻足

亦里武原良舞婆。裕曾亦原爾家

可是能牟多。與世久流奈美爾。伊射里須流。安麻乎等女良我。毛能

須素奴禮奴。

意明也一本安麻乃乎等賣我毛能須蘇奴禮奴

安麻能波良。

海原也海は廣ければ原といひ遠長く見らるればふりさけ見ると云

布里佐氣見禮婆。欲曾布氣爾家

流。與之惠也之。比等里奴流欲波。安氣婆安氣奴等母。

こゝに右一首旋頭哥也とあるはあまりにつたなく集の時の注ならず後人のわざなればすつ

和多都美能。於伎都奈波能里。

今長海苔といひて長き海苔ありそれをいふか又俗に海索類などいふものかさてこゝまでは序也繩はたくりよする物故くる

久流等伎登。伊毛我麻都良牟。月者倍爾都

追。

之可能宇良爾。伊射里須流安麻。安氣久禮婆。

夜あけければ也

宇良末許具良

之。浦のほとりを漕
來るらしなり可治能於等伎許由。

伊母乎於毛比。伊能禰良延奴爾。今本禰を禮に誤るねらえぬ
はねられぬ也普通へはなり安可等吉能。安

左宜理其問理。可里我禰曾奈久。此哥はあけかた霧のうちをかりむれの鳴て行か旅の心に
さびしくおもふよりよめり此かりかねの言にてかりかね

の禰はむれの約女を禰に通
はせしといふ事しらるへし

由布佐禮婆。後世佐を濁りこ婆を清とおもへるは誤なる事既
いへるをこゝに清濁をわけて書しを見てしれ安伎可是左牟思。和伎母

故我。等伎安良比其呂母。由伎豆波也伎牟。意あき
らか也

和我多妣波。比左思久安良思。あらしはあ
るらしなり許能安我家流。伎豆安の三つを約は計
なれはかくいふなり

伊毛我許呂母能。阿可都久見禮婆。

到筑前國志麻郡之韓亭。舶泊經三日於時夜月之光皎皎流照

奄對此華旅情悽愴各陳心緒聊以裁哥六首

於保伎美能。等保能美可度登。吾朝廷といふ時はひろく吾日本の諸の國をみかどといふへ
し伊勢物語に吾みかど六十余州といへるに同じこゝは筑紫の

國にてよめるなれはやかてそを遠のみかどといふすへて皇國にまつろへる國を
は遠のみかといふ事下の長哥に新羅を遠のみかといふ事あるをもてしれ於毛敝禮杼。氣奈

我久之安禮婆。族にある日久也氣奈我久之氣は伎武加倍を約て氣といふ也年月日は來迎るな
れはいふ本居宣長か氣は伎倍の約にに來經也と云も同じ意也月日の久を云古非

爾家流可母。古郷
を也

右一首大使

○多妣爾安禮杼。欲流波火等毛之。乎流和禮乎。句
也也未爾也伊毛

右二首大判官

○安麻等夫也。冠可里乎都可比爾。衣_レ之可母。奈良能美夜古爾。

辭

許登都礙夜良武。

いと遠きさかひに來て都へ便りのなきにわびて空行鷹を使になすよしも哉とまておもへるが切也さて此使古詠をも唱へたれとそは共よししるせり此哥ともは初二首は

大判官のよめるにて此末の五首は從へる人々のなる事前後の書體にてしるし然るに拾遺集に此哥を人万呂の唐にてよめりと有はいとひか事也人万呂筑紫へ下りし事は見ゆれと新羅へしも行けん事なし凡拾遺集に此集の哥をとれるは誤多し人万呂は奈良の朝までありし人ならず

○秋野乎。爾保波須波疑波。佐家禮杼母。見流之流思奈之。多婢爾。

師安禮婆。

秋野を萩の花のてりにほはせたれと妹としも見ねは見るしるしなしと也

伊毛乎於毛比。伊能禰良延奴爾。安伎乃野爾。草乎思香奈伎都。追

麻於毛比可禰_レ豆。

おもひかねはおもひを別ねるにて鹿の妻をおもふおもひをわかねたつね思ふ故いとよいのねられすと也

於保夫禰爾。眞可治之自奴伎。等吉麻都等。和禮波於毛倍杼。月曾

倍爾家流。

大舟の眞握はやめてかへりつかなん時を待とすれと遠きさかひにしあれはおもはす月を歴ぬると云也

欲乎奈我美。

夜をなかびにて夜の長ぶりていねられすとなり

伊能年良延奴爾。安之比奇能。

冠山妣

故等奈米。佐乎思賀奈君母。

毛はそへたるのみ

肥前國松浦郡狛島亭船泊之夜遙望海浪各慟旅心作哥七首

可敝里伎_レ豆。

はやも故郷に歸來見なんと思ひし也

見牟等於毛比之。和我夜等能。安伎波疑須

々伎。知里爾家武可聞。

右一首秦田磨

安米都知能。可未乎許比都々。安禮麻多武。波夜伎萬世伎美。麻多婆久流思母。

右一首娘子

遊女か又故郷の妹の別るゝ時の哥をこゝにてとなへしなるか

伎美乎於毛比。安我古非萬久波。安良多麻乃。冠多都追奇其等爾。

年月たつことに也與久流日毛安良自。無不思日をいふ日毎におもはぬ月日なればよくる日なしと也こも右と同じく遊女歌又古哥歌

秋夜乎。奈我美爾可安良武。奈曾許已波。許已波こゝはくは也許々多も同言既出伊能禰良要

奴毛。毛は助字比等里奴禮婆可。

多良思比賣。御船波弓家牟。松浦乃宇美。地につけたる序哥なり伊母我麻都倣伎。

月者倍爾都々。歴去つゝなり

○多婢奈禮婆。於毛比多要弓毛。安里都禮杆。伊倣爾安流伊毛之。

於母比我奈思母。われは旅にあれば思ひたえてもあれとも家に在妹かおもふらん心かなしきといふ也

安思必寄能。冠山等妣古由留。可里我禰婆。是も亦かりかねは聲の事ならでかりむれなる證とすへし婆は半濁にてわの如

く唱るゆゑに濁音の字を用美也故爾由加婆。伊毛爾安比弓許禰。禰はねかふ意なり

挽哥 今本こゝに到壹岐島云々の二十二字あれと前の例にも違標の體ともこゝのみたかへれば右の二十二字は哥の左に書て前の例に従て同じ集なりにあらためぬ猶よしは下にいふ

○須賣呂伎能。等保能朝廷等。可良國爾。吾朝廷に屬まつりたる故百濟新羅高麗など迄も遠の朝廷と云り和多

肥前島原の人族
立し人の居たる
疊を大に守りて
衣を置其國の人
るよし其古への
なり是其古への
遺風

流和我世波。

友の親みて云也

伊敝妣等能。伊波比麻多禰可。

いはひてまたねばかなり

多太未

可母。

故郷にて床の疊をいみてあやまちなきさまにかしこみひめ置事也古事記などの哥にあり

安夜麻知之家牟。安吉佐良婆。可

敝里麻左牟等。多良知禰能。

冠

波々爾麻乎之豆。等伎毛須疑。都奇

母倍奴禮婆。今日可許牟。明日可裳許武登。伊敝比等波。麻知故布

良牟爾。等保能久爾。

遠の國は新羅の國をさす

伊麻太毛都可受。也麻等乎毛。登保

久左可里豆。伊波我禰乃。安良伎之麻禰爾。夜杼里須流君。

こは友人の哥也伊波我

禰より下葬て石の中にあるもていふ人万呂の妹山のいはねしまけると云も是也

反哥二首

伊波多野爾。

壹岐の島に在へし

夜杼里須流伎美。

是も葬の地をいふ也

伊敝妣等乃。伊豆良等

和禮乎。

友のみつからをいふわれをの乎は後に我にと云てにをはなり

等波婆伊可爾伊波武。

與能奈可波。都禰可久能未等。和可禮奴流。君爾也毛登奈。

もとなはむなしきにて

よしなくわれはこひんとなり

安我孤悲由加牟。

右到壹岐島雪連宅滿忽遇鬼病死之時作哥一首并短哥

今本既いふ如く右

の二十二字を他標の如くかきたれとはしめの古挽哥とあるは哥の左に讀人と標をしるせり今本哥の左に右三首挽哥とあれと既にはしめの標に挽哥とあけて其目をわかち書しには挽哥の文字を書ず既に初の標の書體を改しよしをかきし所に云如く標に一字あけて書しは其すべてをかき下ケ書しは哥の左にある事をおげ書し事奥の中臣宅守茅上娘子の贈答の哥をくはしく見はしらるへしこは傳寫の誤りなるをあらためすあつめふりにそむきまぢに亂し事しるければ改む扱此讀人はしらすやがて御使人の中なるへし次の挽哥も此時の哥と見ゆそはよみ人しられたればそれしるせり此長哥反哥三首はよみ人の傳へなければかくかける

なる
へし

○天地等。登毛爾母我毛等。於毛比都都。安里家牟毛能乎。波之家

也思。愛しきよ也下の思は伊敝乎波奈禮豆。奈美能宇倍由。奈豆佐比伎爾

豆。なれいたつき来て也安良多麻能。冠月日毛伎倍奴。來歴可里我禰母。都

藝豆伎奈氣婆。多良知禰能。冠波々母都末良母。安佐都由爾。毛能

須蘇比都知。ひづちは豆知約知にてひち也其言の本は多志由布疑里爾。己呂毛豆奴

禮豆。左伎久之毛。幸くしも也安流良牟其登久。伊低見都追。麻都良牟

母能乎。世間能。比登乃奈氣伎波。安比於毛波奴。君爾安禮也母。

安伎波藝能。知良敝流野邊乃。良敝約波都乎花。可里保爾布伎豆。かり

ほはをの如く唱ふ荒墓に喪屋を作れるさまなるへし旅久毛婆奈禮。冠都由之毛能。佐武伎山邊爾。既に

のかり庵にはあらし御使人は驛亭にやどるなればなり等保伎久爾敝能。登岐の島を夜杼里世流良牟。此終の良牟は上の君に

なるへし風の音波之家也思。都麻毛古杼毛母。多可多加爾。遠々の麻都良牟伎美也。

反哥二首

之麻我久禮奴流。此嶋隱は上の長哥毛美知葉能。知里奈牟山爾。夜杼里奴流。君乎麻都良牟。比等之可

の終の意とひとし

奈思母。奈良の宅満か父母妹子な
とをいたみてよめる也

右三首葛井連子老作哥

是も御使の官人なるへし今本こゝに作挽哥とあれと前の哥の下挽哥
とかゝず又古挽哥ある哥にも此字をくはへす標の書體にならひて挽

哥とあけし條下にて哥毎に書ましき例
なれば後人の加筆しるしよりてすてつ

和多都美能。可之故伎美知乎。也須家口母。奈久奈夜美伎豆。
やすけくもなくな

伊麻太爾母。毛奈久由可牟登。由吉能安末能。
喪なくは恙なくなり
もなくゆかんとゆきの海人のと

保都手乃字良敝乎。由加武士須流爾。伊米能其等。美知能蘇良治爾。
秀手の占にて都は助字手はそへたる辭秀占は太占と云に同
中なる事をそらといふ道の中路

可多夜伎豆。古事記岩戸の條に眞名鹿肩を焼て占ふ事あり此集中にも武藏野のうらへかたやき
と云則こゝも是也中世異國より傳へて壹岐對馬伊豆より龜卜を出すといふ事にあ

由加武士須流爾。伊米能其等。美知能蘇良治爾。
中なる事をそらといふ道の中路

和可禮須流伎美。
死するきみ也即雲連宅満をいふ

反哥二首

牟可之欲里。伊比祁流許等乃。可良久爾
むかしより唐へ行事の歌にからき事をいひしをいひてやかてから國の名に云かけたり

能。可良久毛已許爾。和可禮須流可聞。

新羅奇敝可。伊敝爾可加反流。由吉能之麻。由加牟多
此句はゆかんといはんためにおきたるのみ

登伎毛。於毛比可禰都母。
おもひかねつのつはぬに通ふつなりおもひかねなり

右三首六鯖作哥

挽の字を捨る事前にいふこは此うれひにあひて心惚而新羅へかゆかんな家にかゆ
かんとわかちおもひさためかねぬるといふ也本末皆六鯖か心也是も御使人に従

へる丁なと
なるへし

瞻望^{シテ}典人案^ニニ
餘^レ産^シ考^スニ
は字^ト訓^メり考^スニ
は利^ト同^シ也呂^ノ平
仍^レ約^シ打^ツ見^ル世^ノ約^シ
とよむべし

到對馬島淺茅浦。船泊之時不得順風。經停五箇日。於是瞻望物。

華各陳慟心作哥三首

毛母布禰乃。波都流對馬能。安佐治山。志具禮能安米爾。毛美多比

爾家里。多比約治にても
みちにけり也

安麻射可流。比奈爾毛月波。互禮々杼母。伊毛曾等保久波。和可禮

伎爾家流。意明
なり

安伎左禮婆。於久都由之毛爾。安倍受之互。京師乃山波。伊呂豆伎

奴良牟。此哥も既にへる如く秋かへりなんと
いひしをおもひふくみてよめる也

心辭^シ哥^ト十八首

竹敷浦。對馬な
るへし 船泊之時各陳心緒作哥十八首

安之比奇能。冠 山下比可流。毛美知葉能。知里能麻河比波。散亂^シ物見へ
わかぬまて

まぎれちれば
いふ事なり 計布仁聞安留香母。散はけふ也と云のみなからちりのま
がひおもしろかれはかく云ならん

右一首大使

多可之伎能。母美知乎見禮婆。和藝毛故我。麻多牟等伊比之。等伎

曾伎爾家流。此哥も又秋かへらんと
いひしをおもひ出たる也

右一首副使

多可思吉能。宇良未能毛美知。和禮由伎互。可敝里久流末低。知里

許須奈由米。ゆめちりこそ也こす
は乞の意ねかふ意也

右一首大判官

多可思吉能。宇敞可多山者。うへかた山
は地名也久禮奈爲能。也之保能伊呂爾。

奈里爾家流香聞。

右一首小判官

毛美知婆能。知良布山邊由。良布約留に
てちる也許具布禰能。爾保比爾米侶呂。

地のありさまにめつる也やかてもみち
の散ほとりの舟なれはかくいふなり伊侶呂伎爾家里。御使人たちのにほひにめてゝ吾たち
出るといふ意をもそへてよめる歟

多可思吉能。多麻毛奈婢可之。己藝低奈牟。君我美布禰乎。伊都等

可麻多牟。此浦の玉藻靡し漕出なんも此をとめか心をなひかすにたとへ其ふね
漕出又こゝに來まさんをつとかは待んと云をも添てよめりと見ゆ

右二首對馬娘子玉槻。此娘子をさふること訓はもとゆ姓もなく女を具すへ
きならぬはもとより也前の例によりて遊行女とす

多麻之家流。伎欲吉奈藝佐乎。之保美呂婆。呂は多禮約此多は呂阿約也則みち
てあれば也よりて婆の濁音を用安

可受和禮由久。可反流左爾見牟。鹽のみちたれはかゝるきよきなきさをあく透見すて吾は
ゆければ歸るさに見むと玉槻をおもふ心をこめてよめる

大使の
哥也

右一首大使

安伎也麻能。毛美知乎可射之。和我乎禮婆。字良之保美知久。伊麻

太安可奈久爾。こも上の哥の如玉槻をもみちにたとへいま
た見あかなくに漕出なんと副使のよめる也

右一首副使

毛能毛布等。比等爾波美見まじ要なり繙。之多婢毛能。思多由故布流爾。

都奇曾倍爾家流。故郷をおもひてよめるならん

右一首大使

伊敞豆乃爾。可比乎比里布等。とてのてを畧也於伎敞欲里。與世久流奈美爾。

許呂毛豆奴禮奴。

之保非奈波。麻多母和禮許牟。伊射遊賀武。いさかへりゆかんと也賀を濁音也と論あるはいりほが也賀は清濁兩音也

於伎都志保佐爲。既いふ如井は和妓約鹽さわきなり多可久多知伎奴。

和我袖波。多毛登等保里豆。手のさきを手なさき手のもとをたもとといへは肘の上にてぬれぬるをいふなり奴禮奴等母。

故非和須禮我比。等良受波由可自。哥意は道の長手に古郷戀る心のくるしかれはわすれ貝ひろひとらすはやまじと也

奴波多麻能。冠伊毛我保須倍久。安良奈久爾。和我許呂母豆乎。奴

禮豆伊可爾勢牟。貝といはねと貝拾ふ事をよめる哥也前の哥に忘貝をうたへは也後の哥をよめると意違へるを思へ

○毛美知婆波。伊麻波宇都呂布。和伎毛故我。麻多牟等伊比之。等

伎能倍由氣婆。既にいふか如く秋はかへりなんといひければ也

安伎佐禮婆。故非之美伊母乎。此美も夫利約の備より通したる也伊米爾太爾。比左之久見

牟乎。秋の長夜に向ふをかくいひ長夜さへはやくあけぬと云安氣爾家流香聞

比等里能未。伎奴流許呂毛能。比毛等加婆。こは既云下紐也多禮可毛由波牟。

伊敞杼保久之豆。

長き旅路ひとり著たる衣の紐解ぬるものならは誰か紐結はんと云は妹こひしらにいふのみ

○安麻久毛能。多由多比久禮婆。船にてたゆたひくれはを約て云也新羅への使人にて久しく舟路にあれば也九月能。毛

美知能山毛。宇都呂比爾家里。既いふ如くうつろふは散をいふ

○多婢爾豆毛。母奈久波也許登。あしき事なく歸り來といひてなり和伎毛故我。牟須比思

比毛波。奈禮爾家流香聞。こは長紐也旅の摺衣の右の垂袴にむすび垂る也赤紐ともいふ

回來筑紫海路入京到播磨國家島之時作哥五首

伊敞之麻波。奈爾許曾安里家禮。名はかりなりけりと也宇奈波良乎。安我古非伎

都流。伊毛母安良奈久爾。

久左麻久良。冠多婢爾比左之久。安良米也等。伊毛爾伊比之乎。等

之能倍奴良久。良久約留

和伎毛故乎。由伎豆波也美武。安波治之麻。久毛爲爾見延奴。たゞはるかなるを

いふのみ伊敞都久良之母。家は古郷の家をいふづくは近づくなどのみいふか如し家のかたにつくといふなり

奴婆多麻能。冠欲安可之母布禰波。許藝由可奈。美都能波麻末都。

麻知故非奴良武。

大伴乃。冠美津能等麻里爾。布禰波豆々。多都多能山乎。伊都可故

安乎爾與之。冠 奈良能於保知波。由吉余家杼。行よけれともを 許能山道

波。由伎安之可里家利。此山道はおもふ妹にわかれさすらへ行に さへあれは行くるしき道也けりとなり

宇流波之等。安我毛布伊毛乎。於毛比都追。由氣婆可母等奈。由伎

安思可流良武。此哥も前の哥と意同しくうるはしくおもふ妹にわ かれ行ゆゑにやむなしくよしなく行くるしと也

○加思故美等。此美は万 能良受安里思乎。美故之治能。三越路を 多武氣

爾多知互。手向に立て也道の神をまつる所をいひて後辭の字にていふもこれ也即乎祭の意を云こゝにして 加へりみしたれはおもはず妹こひしきより妹か名いひしといふ也かあつまはやとのたまひし

にひ 伊毛我奈能里都。とし

右四首中臣朝臣宅守上道作哥

於毛布惠爾。こはおもふゆゑをはふきいふ也ゆゑの惠 安布毛能奈良婆。之末思久

毛。伊母我目可禮互。安禮乎良米也母。せちにおもへは相逢ものにしもあらばいたく戀 おもへはしはしかほとも目かれず吾は相見ずて

あらのめやといひ遠き國にさすらへ行てあ ぶ事のためかたきをなけきけるなり

○安可禰佐須。冠 比流波毛能母比。奴婆多麻乃。冠 欲流波須我良爾。

禰能未之奈加由。加由約 久也

○和伎毛故我。可多美能許呂毛。奈可里世婆。奈爾毛能母氏加。伊

能知都我麻之。いとおさなくよ めるに心ふかし

等保伎山。こは越路に近 世伎毛故要伎奴。下の哥もて見れはこゝに關 伊麻左良爾。といふも逢坂のせきならん

安布倍伎與之能。奈伎我佐夫之佐。

かく云はうらぶるかたへ心のすさびてせんすへなき也一本左必之佐とあり

於毛波受母。

おもはずにあられんやなり母はそへたるのみ

麻許等安里衣牟也。

まことにをられんやの心也

左奴流欲

能伊米爾毛伊母我。

うつゝにもいめにも妹か顔の目につきてあるとなり

美延射良奈久爾。

等保久安禮婆。一日一夜毛。於母波受豆。安流良牟母能等。於毛保

之賣須奈。

おもひたえぬをことりよめる也

比等余里波。伊毛曾母安之伎。故非毛奈久。安良末思毛能乎。於毛

波之米都追。

おもふあまりにあたし人よりもあしとまで思ふと也

於毛比都追。奴禮婆可毛等奈。奴婆多麻能。冠比等欲毛意知受。伊

米爾之見由流。

おもひつゝぬればや一夜もおちす猶戀ひしさを増しむる事のよしなやと也

可久婆可里。古非牟等可禰豆。之良末世婆。伊毛乎婆美受曾。安流

倍久安里家留。

安米都知能。可未奈伎毛能爾。安良婆許曾。安我毛布伊毛爾。安波

受思仁世米。

神のなきてふ事あらねはいのりてあはめと思ふをいのる神なくはこそあはすしてしにせめとなり

伊能知乎之。

此乎之は助字也今多爾毛阿故與の多爾の如くすてゝ見るへしかゝる助字の事は既にもいふ

麻多久之安良婆。安里伎

奴能。冠

安里豆能知爾毛。

此毛もそへたるのみ

安波射良米也母。

一本安里豆能乃知毛とあり

○安波牟日乎。其日等之良受。等許也未爾。

常闇也夜晝もわかす戀くらす也

伊豆禮能日

麻豆。安禮古非乎良牟。

多婢等伊倍婆。許等爾曾夜須伎。

旅といはんにはいひやすきことは言也

須久奈久毛。

此詞を落句へかけて心

得へしすへなき事すくなからすおほきといふなり

伊母爾戀都々。須敝奈家奈久爾。

なけなくはならなくにて奈加約加なるを計にかよはしい

ふさて奈加の加は久波約にてなくはあらぬに也腰句にすくなくもといへるはこふす人の多きをすくなくもあらぬといはんため也

和伎毛故爾。古布流爾安禮波。多麻吉波流。

冠

美自可伎伊能知毛。

乎之家久母奈思。

かくさま／＼におもひつゞけていたづきおもふは妹にこふるにしかればみしかきいのち死ともをしからぬと也

右十四首中臣朝臣宅守

伊能知安良婆。安布許登母安良牟。和我由惠爾。波太奈於毛比曾。

伊能知多爾敝波。

此哥は前の宅守の終の哥に答てはたしてなほほしそよ命だにへばあはなんものをとよめる也此だにはいひ人たるだになり

比等能宇々流。田者宇惠麻佐受。伊麻左良爾。久爾和可禮之豆。安

禮波伊可爾勢武。

遠き國にさすらへぬれば國わかれといへり此哥は實に用うるほとの人ならねと時につけてよめるなるへし

和我屋度能。麻都能葉見都々。

待を松にいひかけてそを見つゝといふにさりける

安禮麻多無。波夜可

反里麻世。古非之奈奴刀爾。

戀ひ死ぬ時に也後の世にこれを間にといへり

比等久爾波。須美安之等曾伊布。須牟也氣久。

すみやか也みとむとを通し氣は加に同をのへたるなり須美安之より

かさね波也可反里萬世。古非之奈奴刀爾。

比等久爾々。伎美乎伊麻勢豆。

往まさせて也

伊都麻豆可。安我故非乎良牟。

等伎乃之良奈久。

安米都知乃。曾許比能宇良爾。

天地のそこひのうらと云は天地の限と云か如く宇良は裏にてうちと云に同じ集中に山のそき野のそき又祝詞に國の退立限

といふも退は限りなれば天地の涯といふに同じそこべをそこひと云へとひとは同音べと濁る故にひもいの如く半濁也

安我其等久。伎美爾故布良牟。

比等波左禰安良自。

さねは實也まことに我如く戀ひくるしむ人は世の中にあらじといふ也

之呂多倍能。

冠

安我之多其呂母。宇思奈波受。毛互禮和我世故。

もちであ

れを約多太爾安布麻低爾。
通て云

波流乃日能。宇良我奈之伎爾。於久禮爲互。君爾古非都々。宇都之

家米也母。

春日のうちにかなしくめてらるゝにかくおくれぬて君をこふる世家は久阿良の約加なるを許に通して云うつしめあはめやも也

伎手出美多禮互

安波牟日能。

あはん日

可多美爾世與等。多和也女能。於毛比美多禮互。

奴敝流許呂母曾。

右九首娘子。

過所奈之爾。

ふみは義訓也公式令過所文とある是也關たと守ある所を通らしむる印は過所文也俗の切手手形也

世伎等婢古由流。保等

登藝須。和我子爾毛可毛。

此本和を多とするは和の草を多と見し誤也子はみとよまん事もとりなれば可毛脱る事しるしさまく説ともあれとよしなし仍て可毛

を補夜麻受可欲波牟。

宇流波之等。

の別記

安我毛布伊毛乎。山川乎。

こは山と川となりよりて川をすみてよめり

奈可

爾敝奈里氏。

隔りや陀多約陀なるを通して奈といふ奈は陀の半濁なり

夜須家久毛奈之。

牟可比爲豆。一日毛於知受。見之可杼母。伊等波奴伊毛乎。不厭都奇なり

和多流麻豆。月を經渡るまで見ぬとなげく也

安我未許曾。世伎夜麻故要氏。許已爾安良米。許已呂波伊毛爾。與

里爾之母能乎。意明也

佐須太氣能。冠大宮人者。此みや人は娘子をさす伊麻毛可母。比等奈夫理能未。人

ふりは直風也人のなほびたるをこのみてあるらんといふも今はおのれさすらへ人の直人となりたればなほびたるをこのめるならんといふ今の俗のいふなぶりは此轉語也一本に腰句伊麻左倍也とあり許能

美多流良武。

多知加做里。奈氣杼毛安禮波。之流思奈美。於毛比和夫禮豆。夫利約備也利と禮

は普通ふ備と便も同言也即わび也

奴流欲之曾於保伎。

ぬる夜おほきにてしは助字なり

左奴流欲波。於保久安禮杼毛。母能毛波受。夜須久奴流欲波。佐禰

奈伎母能乎。

既いふ如くさねは實にてまことになきなり

○與能奈可能。都年能己等和利。可久左麻爾。かゝるありさまを昇約たる言にて如是様なり奈里伎

爾家良之。須惠之多禰可良。

遠祖貴しのちの胤かく衰て國官となり剩さすらへ人と成をいふ

和伎毛故爾。安布左可山乎。

こゝをもて見ればはしめに關といふも逢坂なるへし前にいふ

故要豆伎豆。奈伎

都々乎禮杼。安布余思毛奈之。

多婢等伊倍婆。許登爾曾夜須伎。

言にはやすく聞ゆれとなり

須做毛奈久。

すべもなくくるしき旅なれともなり

久流思伎多婢毛。許等爾麻左米也母。

こらは娘子を指こふる心にまさめや也こも母はそへたるのみ

山川乎。奈可爾敝奈里豆。等保久登母。許已呂乎知可久。於毛保世

和伎母。

心に遠さけおもふなと也

麻蘇可我美。

冠

可氣豆之奴敝等。麻都里太類。

奉御調等あるをもて此まつりたるも奉りたるとしらる

可多美乃母能乎。

その物あるへし

比等爾之賣須奈。

事にかけてしぬびねと奉せし物なれば人に見せそといふ也

宇流波之等。於毛比之於毛波婆。

今本婆波とあるは字の上下したる也よてあらたむ

之多婢毛爾。

下紐はさきにもい

ひたる如く衣の袷の下の左右につけたる小紐也

由比都氣毛知豆。夜麻受之努波世。

まへの哥のかたみの物を下紐につけてしぬへといふな

らんこも二首にて心を盡したる也

中

右十三首中臣朝臣宅守

多麻之比波。安之多由布敝爾。多麻布禮杼。

かくいひかはして宅守のせちなる心はじれともといふをかくはいへるなり

安我牟爾伊多之。古非能之氣吉爾。

たましひのせちなるはかりにてあはぬ物故戀る事の繁きにむねいたしとなり

己能許呂波。君乎於毛布等。

とてのてを畧也

須敝毛奈伎。古非能未之都々。

爾能未之曾奈久。

奴婆多麻乃。

冠

欲流見之君乎。安久流安之多。安波受麻爾之豆。伊

麻曾久夜思吉。

此哥は事あらはれたる折の事を後によめる也夜のみあひ見しをまけぬるあしたは不逢夫としたるといふを畧きつゞめてよめるなり

安治麻野爾。

越前國也

屋杼禮流君我。可反里許武。等伎能牟可倍乎。

かへらん時を

待迎ん程をいつとか
またんといふなり
伊都等可麻多武。

宮人能。夜須伊毛禰受互。家布家布等。麻都良武毛能乎。美要奴君

可聞。宅守もと殿上人なるへしこゝに云宮人はもとの同僚
を指て娘子のいふ也即娘子の戀るこゝろとなる也

○可敝里家流。比等伎多禮里等。伊比之可婆。保等保登之爾吉。殆將
死也

あまりてよろこばしきこ
まをいふ吉は家利の約也
君香登於毛比互。國の政に行し人の今歸りしと云を宅守の歸しといふか
と思ふより既にたへでたましひまとひきとよめるなり

君我牟田。由可麻之毛能乎。句
也於奈自許等。もとの如くしてお
くれゐると云也於久禮互乎

禮杼。與伎許等毛奈之。哥の意は君とゝもに行かばよからんをこ
ゝにもとの如くおくれゐてよき事無と也

和我世故我。可反里吉麻佐武。等伎能多米。伊能知能已佐牟。和須

禮多麻布奈。意明
也

右八首娘子

安良多麻能。冠
辭等之能乎奈我久。安波射禮杼。家之伎許己呂乎。けし
きは

許刀奈禮の四言を約れば計なれば然いふ則ことなる心也之伎は戀及ゆかしきのし
きと同しく及の意也即異なる心はもたらぬといふ也かく約る例は語意にくはし
安我毛波奈久爾。

家布毛可母。美也故奈里世婆。見麻久保里。爾之能御馬屋乃。刀爾

多互良麻之。右馬寮の邊に此女の家ありし也されは常に都にありし時は御馬屋の外のあたりにたもとほ
りて彼女を見たるより斯よめる也刀は外也たてらましの麻之約未なるを牟に通したるにて

たてら
んなり

右二首中臣朝臣宅守

伎能布家布。伎美爾安波受_レ豆。須流須敝能。

せんすべもするすへも同言にてなせる
方のなき也久しく君にあはてきのふけ

ふすべき手著なくて
ねのみ泣といふなり

多度伎乎之良爾。禰能未之曾奈久。

之路多倍乃。

冠

阿我許呂毛豆乎。

かたみのこ
ろもを也

登里母知豆。伊波敝和我

勢古多太爾安布末低爾。

形見の衣手をとり持て祈
祝ことわざのあるならん

右二首娘子

和我夜度乃。波奈多知婆奈波。伊多都良爾。知利可須具良牟。見流

比等奈思爾。

みやこの吾やとの桶を
おもひてよめるなり

古非之奈婆。古非毛之禰等也。保等登藝須。毛能毛布等伎爾。伎奈

吉等余牟流。

多婢爾之豆。毛能毛布等吉爾。保等登藝須。毛等奈那難吉曾。安我

古非麻左流。

安麻其毛理。

雨の日に籠居也○然し
冠辭の如くおける也

毛能母布等伎爾。保等登藝須。和我須武

佐刀爾。伎奈伎等余母須。

多婢爾之豆。伊毛爾古布禮婆。保登等伎須。和我須武佐刀爾。許欲

奈伎和多流。

こよはこゆに同じくこより也吾は旅のやとりにて行か
たかるを時鳥こより吾すみし里になきわたると云也

○許己呂奈伎。登里爾曾安利家流。保登等藝須。毛能毛布等伎爾。

奈久倍吉毛能可。

心のまゝをおもへる如くによめるなり

保登等藝須。安比太之麻思於家。奈我奈家婆。安我毛布許己呂。伊

多母須敝奈之。

いたとはいとに同しいとはいたく也いたくせんすへなくといふ也しましはまは婆に同じく暫なり

右七首中臣朝臣宅守

此七首は娘子に贈たるにあらす自よみ置ぬる也今本こゝに寄花鳥陳思作哥とあるは後人書加へし事しるかれは前の例によりてすてつ

万葉集卷十之考終

今本の九

此卷は今本の九の卷也これを今あらためて十一の卷とするよしは考の十の卷^{今十}のはしめにくはしくはいへり此卷を十一の卷とすれば此下二十の卷まで十卷すへて家持卿の集のまゝにならひ集ふりも書體も同じさまにつらなり且卷一の卷より六の卷までの集ふりにもあへりよしをいはゞ古きみやぶりはしめとし卷のはては國風ある二十の卷を終の卷とする事古万葉の六の卷にひとしかた〜ついでをかくさためなん事うへならすや

○はしことは、卷の一より卷の六までのさまに此國ふりに訓へきなれと奈良の末となりてはもはら唐さまに文をかきしかよまんとすめれば此家持集も其意にてかき給へる也されはあきらかに吾國ふりにかけるはしことばのみやびかによみかの唐さまなる文はからさまによむへくせり唐めきたるは唐さまによみて哥にかゝはらぬ事なれはいたく心もちみさる

なり

○契沖などか説のことさらによろしきはそをよじとして其名をあけたり
誰もしらるへきをいふには契沖またはあたし人のいへる言も必其名をあ
けことはらすしかりとて他の説をぬすまひたりとおもふ事なかれ

万葉集卷十一考標

万葉集卷十一考標

雜詠

泊瀬朝倉宮御宇天皇御製歌一首

岡本宮御宇天皇幸紀伊國時歌二首

大寶元年辛丑冬十月幸紀伊國時歌十三首

後人歌三首

獻忍壁皇子歌一首 今本こゝに詠仙人形とあるは
と後人のわざしるかれはすてつ

獻舍人皇子歌二首

泉河邊間人宿禰作歌二首

鷺坂作歌一首

名木河作歌一首 諸本こゝを二首とすれと一首は落失たるか今一首也一
首ならひてあるは名木河の哥にあらざる事は考に云

杏人濱作歌一首 今本此哥ありて端詞なし哥によりて端詞を補ひ此標をも補へり名木河哥にあらぬ事も考に云

高島作歌二首

紀伊國作歌二首

鷺坂作歌一首

泉河作歌一首

名木河作歌三首

宇治河作歌二首

献弓削皇子歌三首

献舍人皇子歌二首

舍人皇子御歌一首

鷺坂作歌一首

泉河邊作歌一首

獻弓削皇子歌一首

柿本朝臣人麿歌二首

登筑波山詠月一首

幸芳野離宮時歌二首

槐本歌一首

山上歌一首

春日歌一首

高市歌一首

春日藏歌一首

元仁歌一首

絹歌一首

島足歌一首

麿歌一首

丹比真人歌一首

和歌一首

石川卿歌一首

宇合卿歌三首

基師歌二首

小辨歌一首

伊保麿歌一首

式部大倭芳野作歌一首 今本式部大倭とのみあり芳野云々は哥の右を以補へり

兵部川原歌一首

詠上總末珠名娘子一首并短歌

詠水江浦島子一首并短歌

見河内大橋獨去娘子歌一首并短歌

見武藏少崎沼鴨作歌一首

那賀郡曝井歌一首

手網濱歌一首

春三月諸卿大夫等下難波時歌二首并短歌

難波經宿明日還來時歌一首并短歌

檢稅使大伴卿登筑波山時歌一首并短歌

詠霍公鳥歌一首并短歌

登筑波山歌一首并短歌

登筑波嶺爲嬋歌會日作歌一首并短歌

詠鳴鹿歌一首并短歌

沙彌女王歌一首

七夕歌一首并短歌

相聞

振田向宿禰退筑紫國時歌一首

和氣今本拔氣と有
改よしは考云大首任筑紫時娶豐前國娘子紐兒作歌三首

大神大夫任長門守時集三輪河邊宴歌二首

大神大夫任筑紫國時阿倍大夫作歌一首

獻弓削皇子歌一首

獻舍人皇子歌二首

石河大夫遷任上京時娘子贈歌二首

藤井連遷任上京時娘子贈歌一首

藤井連和歌一首

鹿島郡苅野橋別大伴卿歌一首并短歌

與妻歌一首

妻和歌一首

贈入唐使歌一首

神龜五年戊辰秋八月歌一首并短歌

天平元年己巳冬十二月歌一首并短歌

天平五年癸酉遣唐使船發難波入海之時親母贈子歌一首并短歌

思娘子作歌一首并短歌

挽歌

宇治若郎子宮所歌一首

紀伊國作歌四首

過足柄坂見死人作歌一首并短歌

過葦屋處女墓時作歌一首并短歌

哀弟死去作歌一首并短歌

詠勝鹿眞間娘子歌一首并短歌

見菟名負處女今本菟原處女とあるは誤なる事考に墓歌一首并短歌

万葉集卷十一之考

雜歌

泊瀬朝倉宮御宇大泊瀬幼武天皇天皇御製歌一首

暮去者。小椋山爾。

小椋をくくると訓は卷十二の同哥に小倉とかきたるもてよめる也

臥鹿之。今夜者不鳴。今本にはこよひと

寐家良霜。

卷十二に此哥を岡本天皇の御製とあるはよし泊瀬朝倉宮の比のしらへにはいさゝか後の世ふりにちか

事にも
あらず

今本こゝに在或本云岡本天皇御製不審正指因以累載とあれと本より後人の書加しなれば小書とするは正しと
もせめどみづからかゝる事を家の集に注せらるべきにあらぬをおもへ此末にも左の注には如此後人のわざも

後に雄略天皇と申

卷八秋雄略に岡本
天皇御製暮去者
小倉山爾鹿之云々
○椋を按の誤りと
して契沖は此外を
も改ぬ按な案註の
意にこゝは座けるな
なりこゝは座けるな
ならす小開の意
て黒しとあるも
鳥の意にかりた
あるに改むる事
あらざる也

交れは心し
て見るへし

崗本宮

紀舒に息長足日廣額天皇二年冬
十月遷於飛鳥岡是謂岡本宮云々

御宇天皇

息長足日
廣額天皇

幸紀伊國時

同天皇三年
秋九月云々

幸于攝津國有間溫泉冬十二月天皇至自間湯云々十年冬十月幸有間溫
湯宮とみえたり紀伊國に行幸の事見えす紀の説正か此集の誤なるか

歌二一首

爲妹。吾玉拾。奥邊有。玉縁持來。奥津白浪。

此哥男の哥也此行幸從駕の公卿大夫
の中の哥にて都にとよめおきし妻をさ

して妹とよめるならん哥の意かくるゝ
事なし玉はあわび玉を云事既見えたり

○朝霧爾。沼爾之衣。不干而。一哉君之。山道將越。

此哥は女の哥也此行幸に夫
の從駕にて紀伊國に至るを

都にて思ひやりてよめるなるへし二首とも
に此幸の時の哥なればよせてあけしのみ

右二首作者未詳

大寶元年辛丑冬十月太上天皇幸紀伊國時歌十三首

續紀文大寶元年九
月云々天皇幸紀伊

國冬十月車駕至武漏溫泉宮戊申從官并國郡司等進階云々當年租調并正稅利唯武漏郡本利并免曲赦罪人戊午車
駕至自紀伊とみえたれば文武天皇の行幸也さらはこゝに太上天皇の二字あるは衍文歟又紀に太上天皇の二字を落し
たる歟持統天皇の幸のありしか且太上天皇とあるに今本に大行天
皇 崩御の後諡奉らさ
るほとなかく申也 とあり一本によるにこは全衍字なればすてつ

爲妹。我玉求。於伎邊有。白玉依來。於岐都白浪。

此哥前の哥と全く同しいさゝ
か辭の遠るのみされと同案の

あるへきなれば必同哥ともいふへからす聞にまかせ筆にまかせられたりと見えたればおのつからかゝる事もある
にや端詞まで別なればいつれを誤とはいひかたしざるを今本に右一首上見既畢但歌辭小換年代相違因以累載とあ
るも前にいふ自の注ならず
後人のわさなればすてつ

白崎者

同國伊都郡郷名云賀美又云指理次
の哥に白神とよめるもこれならん

幸在待。大船爾。眞梶繁貫。又將顧。

三名部乃浦

六言紀伊國也今もみな
べたなへの地の名有

鹽莫滿。鹿島在。

紀伊國也島の
しは濁るへし

釣爲海人乎。

見變來六。

朝開。擲出而我者。湯羅前。

紀伊國藤代より今道十三里を隔つ能野へよれり

釣爲海人乎。見變將來。

從駕の人なれはめつらしみてかくよめるなり

湯羅乃前。鹽乾爾祁良志。白神之。

前にいふ如く白崎同所ならん

磯浦箕乎。

箕は借にてべと申し

敢而

擲動。あへては喘てふ意也

黑牛方。

呂字約留なるを呂に通しいふ故に字を畧く下に久呂牛方と六言も有上にも既出

鹽干乃浦乎。紅玉裙須蘇延。往

者誰妻。

供奉の女房をさしいふ

風莫乃。

此まゝにて訓は加射奈美か又莫は暴にて加射波也歟前にも同國にかさはやとよみし哥あれは風早ならんを字を誤しなるへし

濱之白浪。徒於是

依久流 見人無。

めつらしと見る浦なれは浪のよするも面白くてかくはよめるならん一本に於斯依來藻と有

今本こゝに右一首山上臣憶良類聚哥林曰長忌寸意吉麻呂應詔作此哥とあれと家持卿のかゝれたるにあらす此哥林てふは偽つくれるもの也されと後の世の偽書とちかひ古につけてたまはとる事有と眞淵いへりさて憶良家持少しのたかひにて同時なれば此哥林家持卿の比にあるへきならねは此注後人の加へし事明也仍てすてつ

我背兒我。使將來歟跡。出立之。此松原乎。今日香過南。

此ならひの哥皆男哥也一二三の句の

詞女とばめきたりこれによるにもとの三句は序にて出立之の之は豆の誤是迄は序哥にて四の句の此松原の此は吾の誤乎は衍字吾松原に地名と見る方やすからん

藤白之。

紀伊國也今和哥の浦てふ地海の向にあたりといふ

三坂乎越跡。白栲之。

冠 我衣手者。所沾香

裳。

旅の日數そひてなるゝによりてぬれしにや又有馬皇子をおもひまつれる歟紀路に至りて都への遠さかりたれば故郷こひしらの増りて袖の沾るとみんか

勢能山爾。

同國の山なり

黃葉常敷。

とこしくはもみちの今に染及てあるをいふ十月なるにかくあるはとりたてゝ云と見えたり

神岳之。

紀雄に神岳と

見ゆ又雷岳とも書りまことは三輪也

山黄葉者。今日散濫。

今本目を日に誤る一本により改今日としてはけふかと訓にはてにをばの字なくては然よまれす今もちるらんとは

今かもちるかといふなり

山跡庭。聞往歟。大我野之。

和名抄に名草郡大屋又大宅郷あり式に名草郡大屋部比賣神社あり是か又は大神野の義なる歟

竹葉苜敷。

廬爲有跡者。

おもふに此末の句はいほりするとはとこそよまめ

木國之。昔弓雄之。

弓に名高人ありしならん其古事は不傳

響矢用。

和名鳴箭漢書義云鳴箭如今之鳴箭也

鹿取靡。

なめしはならべしにて

數多を云ならん古へこゝにありしならん今本の訓は誤也

坂上爾曾安留。

此坂の上に来りて古をおもひてよめる歟

城國爾。不止將往來。妻社。

今本に都末とあるは誤也妹山の事をよめるなれば也

妻依來西尼。妻常言長

柄。

なからは既にいふ如く隨の意妻のまゝ也妹山の名をもて云歟下はこゝに山もいもといひなから實の妹にあらずまことの妻をよせよといふならん一云囀賜奈毛囀云長柄と見ゆ

右一首或云坂上忌寸人長作

既にもいふ如く家集なればよみ人かくとある人のいへはそれによりて書加へられたるぞ家の集のまとなるへしかゝる

書加へにならひて後の人みたりにあらぬ事を書加ふる事として書添しは前に云如く其妄なる證見ゆそは改て皆捨

後人哥二首

右の行幸の時夫は從駕にて紀の國に至りたるに妻の都にとままりたるをおくれし人とは書たるなり

朝裳吉。

冠辭

木方往君我。

木方の方は系のとくとなふ

信土山。

紀伊國也今も眞土峠と云有

越濫今日曾。雨莫

零根。

此哥は妻のよめる哥にて意明か也

後居而。吾戀居者。

後に戀をるといふに同じてにをはなり此例既に出つ

白雲。棚引山乎。今日香越濫。

猷忍壁皇子

天武天皇九のはしらの皇子

哥一首

今本こゝに詠仙人形てふ注は書體も俗にて家持卿の筆ならざる事しるかれはすてつ

常之陪爾。

とこしへはときならへてふ言にて絶ざるをいふなり

夏冬往哉。裘扇不放。山住人。

この哥は仙人の繪を見てよ

めること哥にてしらする意は表は冬の物扇は夏の物なるをひとつに書たるゆゑたえす夏冬行とはよめるなり

獻舍人皇子

同じ天皇五はしらに
あたり給ふ皇子なり

哥二一首

妹手。

冠

取而引與治。

既いふ如く取ひき
攀也是迄は序也

球手折。吾頭刺可。

今本吾下刺の上に頭を脱
せり刺をかさすとは訓か

たし次の二首めの哥の
例をもて頭を補へり

花開鳴。

春山者。

地名な
るへし

散過去鞆。三和山者。未含。君待勝爾。

かゝるがては不勝の字を
あてたれどまつがためと

云也やがてがての豆は多
米の約なりさて哥は明也

泉河

山城國
相良郡

邊間人宿禰作哥二一首

○河瀬。

激乎見者。玉藻鴨。

漢は借字にて助
字也玉かも也

散亂而在。此河常鴨。

河とのとは門
也此二首合見

れはうつくしき小石などの色あるが
はやき瀬に流ちりて多しと見えたり

彦星。頭刺玉之。嬌戀。亂祁良志。此河瀬爾。

此哥も石の事なれとは彦星の挿頭の
玉の妹戀あまりてちらしみたらしたる

かたととへよ
める也けり

鷺坂

山城國久世郡下の哥に山城
の久世のさき坂とよめり

作哥一首

白鳥。

冠

鷺坂山。

眞淵は白鳥の鷺とつゞけしはことなしといへとしかいひては冠辭の例に遠り仍ておも
ふに志良約左なればしら鳥のしろきといひかけたる歎さぎのきは濁音なれとかゝる事

には清濁をいまさるは例也さて白鳥とはまことは鶴をいふなりこゝに
しら鳥といふはなにとさしたるにはあらずたゞに白鳥といふのみなり

松影。宿而往奈。

今本ゆきなと
訓るは誤れり

夜毛深往乎。

名木河

山城國
久世郡

作哥二一首

標を見るに二首をさりて一首とすこゝはもとより二首あ
りしか脱しなれば本を残して二首とおきぬ今は一首なり

詞草小苑に云白鳥
なるもの鷺とかゝ
るなりなるもの
約能也

焱干。人母在八方。沾衣乎。家者夜良奈。羈印。

久しき旅になれそこなへる衣なるに名木川の氷にぬれぬるをほしも

やらで旅行を隔句にかくいふにて第三の句を初句の上に終の句を第二の句の下へかけて心得しるぬれ衣をほす人あれや旅のしるしにはやらなといふなり

今本此間に名木川の哥今一首を落せり

又次の哥のはしと葉も落たるなるへし

杏人濱作哥一首

こゝにかくあるへきを脱し事上にいふ如くなれば標にもこゝにも補へり

在衣邊。

荒磯なり

著而撈尼。

尼は借字海人なり

杏人。

此杏の字をからと訓へき事心得すされと訓によりて前後の哥もて考ればしがの唐崎なといふあたりの地名と

聞ゆされはからはまならんかおしていはゞ杏はからもと訓はそをもてからに借しかされとあまりしき用ひさまなれば誤とすへしおもふに唐の草を杏と見し草の手より誤りしならんか

濱過者。戀

布在奈利。

哥の意はから人の濱の磯へにつきて撈行海人の小船のにはよきにこゝをすきされはそのさまのこひしくしたはるゝとなり

高島作哥二首

旅にての宿なれば
とわりもて宿なれば
かびれとよむしわら
よからす今本の方
よるへし奥人

○高島之。阿渡河波者。驟輶。吾者家思。別加奈之彌。

人方呂のさゝの葉は眞山もさやにさわけども

吾は妹おもふ別きぬれはてふをよみうつせしなれば末はわかれかなしみなるへし今本別を宿とし訓はたびねとせりかゝる例もなく又客の字とすればたびをと訓んには乎の字を添べき事なれば宿は前の別の草の手の誤りとして

改む

○客在者。

此初句は結句にかけて見るへし旅なれば夜中にも道行は其照月のかくるゝをも見る也此五言もて古への調のよきを見るへし

三更刺而。照月。

高島山。隱惜毛。

紀伊國作哥二首

○吾戀。妹相佐受。

あはずといふを延たる也佐受約受也旅なれば妹にあはず也

玉浦丹。衣片敷。一鴨將寐。

○玉匣。開卷惜。恹夜矣。袖可禮而。

恹は格に同じくをしむ也妹か衣手離て也旅なればなり

一鴨將寐。

鷺坂作哥一首

細比禮乃。

冠辭細をたくと訓よしは冠辭にいへりされと眞淵はさぎとかゝるよしを云きこも細比禮乃白と

ふか如くこをもて

かゝる事前の白鳥の鷺坂とかけしに同く志羅約左なる故さきの左の一字のみにかけ云事前にい

に雨ふらで野もあをみなんといふに同じ此泥は平聲にあらす上聲に唱ふ哥意は白鷺の色のわれににほひつかね妹に示さんと云也

泉河作哥一首

妹門。

冠入出見河乃。

山城國相良郡に在

床奈馬爾。

川のとこなめをいひてそれより殘雪のとこしなへなるにいひよせたり

三雪遺。

三は借字例の眞の意也 未冬鴨。

名木河作哥三首

春雨 吾立沾等 家念良武可。

衣手乃。

冠辭

名木之河邊乎。春雨。吾立沾等。家念良武可。

家に思ふらんをにを畧て家もふとい

家人。使在之。春雨乃。與久列杼吾乎。沾念者。

哥意は吾をはやもかへりねともふ家なる人のつかひならめかく雨を

さけよくれどもぬらしぬるよと思ふと也

焱干。人母在八方。家人。春雨須良乎。間使爾爲。

間は眞の意也哥は前の意の哥の如し

宇治河作哥二首

巨椋乃。

山城國伏見と淀の間に在

入江響奈理。射目人乃。

冠辭也此目は奉禮の約也

伏見何田井爾。

何

乃に通ふ田井は田居也遠き田に假ほつくり居を云

雁渡良之。

金風。山吹瀬乃。響苗。

此苗も例の並なり

天雲翔。雁相鳴。

秋風は山に吹なる故山吹の瀬にいひかけて其風に其瀬のなみ立響故にそ

こに居たる鴈のこなたへ天雲とひとしく飛來るにあひしと云也初句二の句のもちゐさまいたく後の世ふりなり

献弓削皇子

淨見原天皇四柱の皇子

哥三首

○佐宵中等。夜者深去良斯。鴈音。所聞空。月渡見。

月のかたふける方に鴈の鳴わたるげに物しづかには

れもことにて且夜のふけたることもしるき空のさまなるをもてかくよめるなるへし

妹當。茂莉音。夕霧。來鳴而過去。及乏。

哥意は妹かあたりにしげからん鴈のわか方にたらまほしきまで鳴過るといへる也とほしきはす

くなきにて既に云如く足欲敷を約たる也

雲隱。鴈鳴時。秋山。黃葉片待。時者雖過。

黃葉をかたづにまつ也片は借字正しくは方也さて今則秋の時なればもみちの遅きを

片は借字と有はわろし片心にかけて得意故正字とこそいははめ

いふなり

献舍人皇子哥二一首

搦手折。

冠

多武山霧。

霧雨ならん

茂鳴。細川瀬。

大和の地名なるへし

波驟祁留。

ある人遠つ國べに遊へるか

いへらく高山には霧雨いとくつよく里の大

冬木成。

既に是を盛の誤とすれと字書を見れば成も盛の字に同じく借るへし

春部戀而。殖木。實成時。片待吾等叙。

こは相聞の哥也下に相聞とわかたれぬれば此哥こゝに入へからねと撰集とちがひ私の家の集なれば筆にまかせられかく斗の事はあるへければ見過すへし

舍人皇子御哥一首

黒玉。

冠

夜霧立。衣手。

冠

高屋於。

地名也河内國古市郡に在

霏霰麻天爾。

冠辭考に云こは油をたぐるとつしけしなるへし具利の

鷺坂作哥一首

山代。久世乃鷺坂。自神代。春者張乍。秋者散來。

佐保川の柳にも張とよみたり
さてはるは草木のめはるをい

ひて秋のちる
をいふのみ

泉河邊作哥一首

春草。馬咋山自。

山城國綴喜郡に咋岡神社と有に同じ地か委は冠辭に云今本是をうま
くひやまをと訓るは誤れりまぐひの山ゆと訓へし自ををと訓る例無

越來奈

流。鴈使者。

たゞ鴈を云此比の事
なれば唐意にていふ

宿過奈利。

すきぬる
の意也

献弓削皇子哥一首

御食向。

冠

南淵山之巖者。落波太列可。消遺有。

今本消を削に誤て末の句をう
るなみたれかけづりのこせる

約はぎと云れば約て
は多加をにつけて
ては例の冠辭に
ひはけ也とみゆ
是は次も語のゆ
もわはなれはみ
りてなとよは
てなとよは

と訓しはわらふへしよて字を改
訓を改むこは橋の千蔭か考也

右柿本朝臣人麻呂之哥集所出

今本には集所出てふ三字を脱左の人万呂の哥とてあけ
し哥の端ことばとせるは誤り也又標には哥の下に二首
と加へしはいよ／＼後人のさかしら也さて大寶元年幸紀伊國時の哥十三首後人の哥二首は哥ともの前に哥
數をあげ此次々はし詞に哥一首二首云々と哥數を擧て其哥共の終に高橋萬呂哥集所出あるは笠金村ある
は田邊福万呂など哥集出とある下の例によりてこゝ
の書體をあらためぬ次／＼にてらし合せて見るへし

吾妹兒之。赤裳泥塗而。

ひたして也豆智約智是を
再延れは多志となるなり

殖之田乎。苜將藏。倉無之

濱。かりてをさめんまてはくらなしの濱をいは
ん序也倉無濱後のものに豊前と有猶可考

百傳布。

冠辭今本百傳之とあるは之は
不の誤歟又布敷委冠辭考に在

八十之島廻乎。撈雖來。粟小島者。

和名抄に
阿波板野

郡小島万と見ゆ紀
伊國粟島にあらず

雖見不足可聞。

右二首或云柿本朝臣人麻呂作

今本こゝに或説を擧しは家持卿の書給へる也此二首の右にはし詞あるへき例なれと何てふ傳へもなく且きは

めて人万呂の哥ともなければ人万呂家集の哥の次に出しあけて或説を哥の右にことわられたる物なるへし

登筑波山詠月哥一首

今本哥を脱せり例によて補ふ

天原。雲無夕爾。烏玉乃。

冠

宵度月乃。入卷恠毛。

幸芳野離宮時哥二首

瀧上乃。三船山從。秋津邊。來鳴度者。誰喚兒鳥。

○落多藝知。流水之。磐觸。與杼賣類與杼爾。月影所見。

たぎりて流る川の月影は岩間の淀み

にのみ宿れるが見ゆる物なるをそのまゝによくいひとりつ

右二首作者未詳

槐本

姓ならんされと其人はしられず

哥一首

樂波之。

冠

平山風之。海吹者。釣爲海人之。袂變所見。

意明也

山上哥一首

山上は姓にて則憶良をいふならん此哥卷一に既に出

白那彌之。

卷一の説によりて改那は加の誤ならん

濱松之本乃。

一本木を本とするはよしよりてあらたむ

手酬草。

草は借字種の意也

幾

世左右二箇。年薄經濫。

卷一には年の經ぬらんとありされと此卷は私の集にてうち聞まゝにかき入給へるなればてにをはのかゝるほとこの事はいか斗もあるへし

卷一に幸紀伊國時河島皇子御作哥或云山上憶良とあるはこゝに山上哥とあるによりて後人の書加へなるをしりて眞淵はすてつこゝは山上の哥と傳へのまゝに家持卿の書給へるなれば今本こゝに右一首或云河島皇子御作哥と書たるはかの卷一によりて後人のさかしらにかき加へたるをしるよりてすてつ

春日

春日藏首老か下に春日藏とあるも同人なるへし

哥一首

三河之

地の名ならん三河國にはあらすされといつくとはわきがたし

淵瀬物不落。左提刺爾。衣手潤。干兒波

無爾

四の句潤今本に湖とあるは誤也訓によりて改一本に温とあるは温の誤なるへしいよ今本の誤なるをおもへ

高市

高市連黒人ならんか

哥一首

足利思代

今本あしりおばと訓るはわろふへしことに思は於の假字にててにをはに用る例なく訓を假字に用る例も違ひぬ集伴意也言の解は前にいひつ

傍行舟薄。高

島之。足速之水門爾

既出近江地名也こゝにあとのみなとようけたるも今本初句の訓を誤るをしるべきなり

極爾濫鴨

春日藏哥一首

此哥も上の春日と同しくてふ事既云

照月遠。雲莫隱。島陰爾。吾船將極。留不知毛

意明也

今本こゝに右一首或本云小辨作也或記姓氏無記名字或稱名號不稱姓氏然依古記便以次載凡如此類下皆效焉といへるはまたく後人の注明らか也よりてすてつ姓をいひて名をいはす名をいひて姓をいはぬなどは私の集なればたやすく畧もすへきをや

元仁

こは名なるにやさらは法師か

哥二首

馬屯而。打集越來。今日見鶴。芳野之川乎。何時將顧

哥意明也

辛苦。晚去日鴨。吉野川。清河原乎。雖見不飽君

苦毛落來雨可てふにてよめるならん體似ものにあらず

吉野川。河浪高見。多寸能浦乎。不視歟成嘗。戀布眞國

眞久約率にて戀しけんになり

絹

名なるへければかくよむへし

哥一首

河蝦鳴。六田乃河之。川楊乃

青やきといへは川楊と訓へし案に奈義約爾なるを同行の義にも通へは奈を畧くは例也刺楊根はふともよみたれば根とつゝけた

るは 根毛居侶雖見。不飽君鴨。
例也 此哥も相聞の哥也ことは上の冬木成てふ哥にいへるか如し

鳥足シヨラジ 名なる へし 哥一首

欲見。來之久毛知久。吉野川。音清左。見二友敷。
見まほしみこしかひありて音さやけく見るにたらまほしみ

する也やかて見
あかぬをいふ也

麻呂 名なるへし京職大夫麻呂卿を云 哥一首

○古之。賢人之。遊兼。吉野川原。雖見不飽鴨。
卷一に淑人之よしとよく見て又卷八に妹か紐ゆふばかうちをい

にしへのよき人見きとこをたれかしるなとよみて
いにしへの益人のあそひし所といひつたへたり

右柿本朝臣人麻呂之哥集出

登筑波山詠月云々以下の十四首人方
呂集の哥なる事既にいふかとし

丹比真人哥一首

難波方。鹽干爾出。玉藻苧。海未通女等。
今本あまのをとめらと訓しは例にたかへりよりて訓を改む女は例によりて補へり

汝名告左禰。今本つけさねとあるも
卷一にいふ如く誤なり

和哥一首

朝入爲流。人跡乎見座。草枕。客去人爾。妻者不敷。
乎は助辭そへて云のみ 冠 今本客を容に誤仍て改

數は借字及の意妻の如くにはあらし也

石河卿哥一首

名草目而。今夜者寐南。從明日波。戀鴨行武。從此間別者。
こよりわかれなばなり

久は助辭也又之久の約須にて此須は之多留の約こしたるもしるくと云也

宇合卿哥三首

曉之。夢所見乍。梶島乃。

後の物には丹後とあり心ゆかす此哥の前の哥難波次々は山城近江の地名あり遠き國ならし可尋

石越浪乃。

如

を入れて心得へし

敷豆志所念。

敷は及の意也是より上四首は極めたる相聞の哥なり事は既にいふか如し

山品之。

山城也

石田乃小野之。

母蘇原。

杵の多ある所也俗言に楢にあたる

見乍哉公之。山道越

良武。

山科乃。石田社爾。

一本社ともあり

布靡勢者。

今本布靡越者とありてふみこえばと訓しは何の事ともなし

難相、卷三の長哥の末の句に山科之、石田森之、須馬神爾、奴左取向而、吾者越往、相坂山遠、またく此二首もてよみたる哥なれば越を勢の誤としてたむけせばとあらたむ布靡の二字をたむけと訓は義訓也ぬさは布靡の類を裁切て袋に入れて旅行人道の神に奉るなれば布なひかすとは書きたるなり

蓋吾妹爾。直相鴨。

碁師

碁櫃越と有人歌師とはあがめたる意なり

哥一首

母山。

地名いつれの國かしらす但次の哥も同じ時の哥と見ゆさらば近江國高嶋郡より見る山敷

霞棚引。左夜深而。吾舟將泊。等

萬里不知母。

行とまるる地をしらすといふ也

思乍。雖來來不勝而。水尾崎。

近江國高嶋郡紀體式高嶋郡水尾神社二座とあり和名抄にも同じよしに見えたり

眞長乃浦乎。

又願津。

小辨

左右小辨なる人を云か誰とも知かたし

哥一首

高嶋之。足利湖乎。撈過而。鹽津菅浦。今香將撈。

一わたりに打きよては人事めけれどさにはあらし其鹽津菅

浦てふ地の名をは聞てまだしらぬを今舟人の撈行らんこゝはそこかと云也かゝる體もある事也今本者をかと訓しは誤也訓により香と改

伊保麻呂哥一首

吾疊冠 三重乃河原之。

紀略に伊勢國之三重采女和名抄に同國に三重郡あれば伊勢なるへし委は冠辭考に云

磯裏爾

裏は借字浦也

如是

鳴跡かばかり面白所かな

とて蛙の鳴かとなり 鳴河蝦可物。

式部大倭

かくあるは氏か又大承かおほくは承の草を倭と見誤しならん

芳野作哥一首

○山高見。白木綿花爾。落多藝津。

おちたぎりつるの畧也。八に泊瀬川白ゆふ花に落たきつと有

夏身之河門。

字の如く心得すみて訓へし

雖見不飽香門。

兵部川原

此人誰ともしりかたし

哥一首

大瀧乎。過而夏箕爾。傍爲而

傍は傍の誤にてこきて率而かと云説もあれと端詞に川原の哥とあれは字のまゝよみこせのまゝにて安らかに心得らるゝなり

淨河瀬。見河明沙。

詠上總末

和名抄上總國周准と有

珠名娘子哥

今本哥字なし前後の例により補

一首并短哥

是より下二十三首は末をもて見

れは高橋蟲万呂か家集より

抜出て家持卿の舉給る也

水長鳥

冠辭水は須伊約志なれは借れる也

安房爾繼有

安房の方へつゞきたる上總なれは云

梓弓

冠

末乃珠名者。胸

別之

人相に乳の間の廣を英雄の人とする是賦されと形もていふはをとめにふさはしからすこゝは心の思ひあけのせまからぬをいふ賦

廣吾妹

六言

腰細之

冠

須輕娘子之。其姿之。端正爾。如花。咲而立者。玉梓乃。

冠 道行人者。

已行。道者不去而。不召爾。門至奴。指並。隣之君者。頓。

今本頓を預に誤る頓は多知方知也次

の長哥に頓にとあるによる

已妻離而。不乞爾。鑑左倍奉。

またしはつかはし也玉名に寶物の鑑をさへわたしたる也玉名はさぶることならん

人

乃皆。如是迷有者。容艷。緣而曾妹者。多波禮豆有家留。

されば此さぶるこたはむれしてをる

りな

反哥

金門爾之。

金門は門の本の語。六に左乎思鹿能布須也久草無良見要受等母兒呂。家可奈門欲由可久之要思毛とよめり紀にも有本は鐵鎖の意より云也

人乃來立者。

夜中母。身者田菜不知。

既いふたなしらすはたねらひしらす也

出曾相來。

詠水江浦島子。

水江は氏浦島は名なり

哥

今本哥を脱前云如なれば補

一首并短哥

紀略二十二年丹波國餘社郡管川人續紀和銅六年夏四月割丹波五郡始置丹後國云

春日之。霞時爾。墨吉之。

丹後の地名なり。岸爾出居而。釣船之。得本良布見者。

今本本を乎に誤る事

古之。事曾所念。

一段。水江之。浦嶋兒之。堅魚釣。鯛釣矜。

今本本を乎に誤る事

及七日。

易にも七日而歸といひて古へより用ゐ來れり

家爾毛不來而。

今本本を乎に誤る事

過而擲行爾。海若。神之女爾。避爾。伊許藝珍相。

今本に宇美波波と訓るはとらす

伊は發語わし

誂良比。

四言次の加は計阿約良は利安約にて加計阿利安比也相聞の哥をうたひかけありありあひなり

言成之賀婆。

言は借字事也既かけあひかたみに思ひ

加吉結。

此吉は伊の如唱ふる例也俗のかひあひたればこゝは事成しといふなり

常代爾至。

始に云紀の文もて見れば蓬萊にてこゝの字の如盡せず在代の國なり

海若。神之宮乃。

六言既常

代に至りとあれはこゝにわたづみの神の宮といふも即蓬萊は海中の國なれ

内隔之。

内隔は内方也たとへは九重の内と云が如し

細有殿爾。

細有殿は莊嚴のいつくしきを云細は妙と

携

既に前

二人入居而。

神のをとめとなり

書に同じ即内宮の意もてかくいふなり

老

老

老

老

老

老

老

老

老

老

老

老

老

老

萬葉考十一

四六一

四六一

四六一

四六一

四六一

四六一

四六一

四六一

四六一

四六一

四六一

四六一

四六一

四六一

得如其到蓬萊乎

朝而歸子故得

實耶

皇二年

皇二年

皇二年

皇二年

皇二年

皇二年

皇二年

皇二年

皇二年

皇二年

皇二年

良比伊許藝珍相誂

名負處女の母さて

は然よみては誂よ

かいらひのかはけ

り合なるにてはけ

ありあひとてはけ

かたりあひとてはけ

かたりあひとてはけ

かたりあひとてはけ

かたりあひとてはけ

かたりあひとてはけ

かたりあひとてはけ

かたりあひとてはけ

かたりあひとてはけ

天元在會業波二日

皇正於人山本江二

九天元親本江二

代皇正王朝浦年云

親先天皇通高秋雄

王子皇日記千八界

何淳之本日遊月天

以和時紀按蓬丹皇

二紀淳和天鳥子天

蓬萊山歸于丹波子

三百余年今古

二紀淳和天鳥子天

蓬萊山歸于丹波子

三百余年今古

目不爲。死不爲而。永世爾。即常世有家留物乎。一段世間之。愚人之。世

中のしれたる人は此哥人の浦島子をさし云也後の物語ふみに世のしれ人なと云か如し吾妹兒爾。彼をとめになり告而語久。須臾者。家歸

而。父母爾。浦島子か自の父母を云也事毛告良比。如明日。あすのことは俗のあすのほとたと云か如し次のけふの心に對へいふ吾

者來南登。言家禮婆。妹之答久。いらへくは倍久約不にていらふ也或説にいへらくをつゝめし言也といへとさはつゝめがたし常世

邊爾。復變來而。如今。將相跡奈良婆。此篋。下に箱とあれと玉篋ともいへれはこもくしけとよむへし開勿

勤常。曾已良久爾。そこはくのこと也こと多く心をいれていふ言也そはかりを約云也堅目師事乎。契をかたく也墨吉爾。

此男の在所をいふに二所共に墨江と書名をいふには水江とあれは墨江は在所也はしめに云如く水江は氏浦島は名なり右に引紀の文に管川の人といひて水江云々とあるを合て見るへし墨江は諸國に在名なれば余謝郡にも有しなるへし諸説は皆還來而。家見跡。宅毛見金手。里見跡。里毛見金手。惟常。わろかりけり

四所許爾念久。こもそこいらのそこに同じ俗のそこで直に思ふと云意也從家出而。三歲之間爾。墻毛無。家

減目八跡。常世べにてたゞ三年のほともおもへるに垣もあもなく家もなからんやと也まことはいと年歴にたるを次々にいはんとてかくいふなり此宮乎。開而見

手齒。見たれはの約言也手は多良約多なるを手に通しいふなり如本來。今本に來本と有は上下したる也家者將有登。玉篋。小披

爾。自雲之。自箱出而。こゝまてにくしけ共はこともいへれと皆一物也常世邊。かの蓬來の方に也棚引去者。立走。

叫袖振。反側。足受利四管。頓。情消失奴。今本消を清に誤る若有之。皮毛皺奴。

しはみの美は半濁にてしはびといふに同じやがてしはぶりをつゝめし言なり黑有之。髮毛白斑奴。由奈由奈波。由奈々々を夕なく也そは

夕部なれど調べのために重ね云とふ説あれと取かたし哥の意とほらねは也おもふに由奈約也也されば也々久の久を省きて也々波といふ歎かくいふは後遂にとあるにむかへてやうやくに息絶たりとせんか猶可考

佐倍絶而。後遂。壽死祁流。水江之。浦島子之。家地見。哥の始に古への事ぞおもほゆとあるもて

鴨長明無名抄云丹後國よさの郡にあ

那賀郡

和名抄に武藏國那賀郡と有

曝井哥一首

三栗乃

冠辭

中爾向有

中とつゞけしは武藏國那賀郡に向ひてなかるゝをいふべし

曝井之

古へ井と云は多くは流水の事なり

不絶將

通

なかれのたえずと云かけて上は序なり

彼所爾妻毛我

我は欲得と同一しく願意也

手綱濱

此國地わかたし武藏國の中なるか此哥の外此名見えす

哥一首

遠妻四亭爾有世婆

今本亭を高に誤る諸成案るに驛亭の亭の草を高と見し誤也手綱の濱にもよしあれは亭を誤る事しるし或説に其を誤る歟といへと取かたし又高として遠々の意として

不知十方

しられすともとは聞えず云をはふける也

手綱乃濱能尋來名益

哥の意は此驛に泊れる時相知し妹のあるよし又あはん

事をおもひてよめるなり

春三月諸卿大夫等下難波時哥

こは幸のたひなるへし次の哥にてしか見ゆ

二首并短哥

并短哥と可有

例也こゝに脱せり標によりて補ふ

○白雲之

冠辭也眞淵か考にもれたり

龍田山之瀧上之小鞍嶺爾開乎鳥流

花咲乎々留とも

いひ又此言は二の別記にくはしく云今本に爲とあるは鳥の誤也

櫻花者山高風之不息者

例のやまぬになり 春雨之繼而

零者最末枝者

四言穂津枝の意借字也

落過去祁利下枝爾

四言 遺有花者須臾者

落莫亂草枕

冠辭

客去君之及還來

こゝに君と指は同じく幸の從駕の卿をさして大夫等のよめるなり

反哥

吾去者七日不過龍田彦

龍田彦は風の神にませはかく云也けり後に龍田姫とて紅色を愛とふ誤を知れ

勤此花乎風爾

莫落

白雲乃冠立田山乎。夕晚爾。打越去者。瀧上之。櫻花者。開有者。落

過祁里。含有者。可開繼。許智期智乃遠近花之盛爾さかりにはのは雖不を省けるなり

見。左右。君之三行者三行は幸也今西應有此哥前の哥よみたる大夫等にあらす同時別の大

見と左右の句の間に數の句の落たる歟といへと哥の意を考るに咲たる花はちりすきふよめるはやかて咲ぬへけれど此花を盛に見がてなるをいかにせんとにもかくにも幸は今なるへければと花の盛を見ぬを惜る也かく見すては反哥までもとほらす從駕のいとまなきをいふ哥とすればとほりて聞ゆ

反哥

暇有者。魚津柴比渡。向峯之。櫻花毛乎毛といふへきを折末思物緒乎を畧てよめり

難波經宿明日還來之時哥一首并短哥

○島山乎。射往廻流。河副乃。丘邊道從。昨日己曾。吾越來壯鹿。一

夜耳。宿有之柄これより上は難波河内などの事也峯上よりして立田の事也此立田の事眞淵か説に

今の平群郡なるは後にうつされたるにて古への立田は高市郡也といへり此前の哥の小倉の峯といへるも今のくらかり峠にてこゝに小倉と云山有紀武に越立田山大和に攻入らんとおほしけれと山けはしく道せばくして不叶とあれば也といへり此哥の立田もそこなるべし岑上之。櫻

花者。瀧之瀨從。落墮而流。君之將見。其日左右庭。山下之。風莫吹

登。打越而。名二負有杜爾前にもいへる如く立田彦は風の神にて式の祝詞にも朝廷の風神祭ると有是也よりて名に負といへり風祭爲奈

此哥は前の哥とも以て見れば幸につきて御先へ行てかへりくる人の從駕の大夫等をさして君といひたる歟反哥の兒もかもこゝにあはせてしるへし

反哥

射行相乃冠辭考をとめらにゆきあひのわせてふ條に坂上之踏本爾今本に坂上を字のま開よみしは誤り也

乎鳥流。今本爲とあるは既云如く鳥の誤り也

櫻花乎。令見兒毛欲得。

檢稅使大伴卿登筑波山時哥一首并短哥

作の字もなく哥意も自の哥ならず國官のよめるならん

○衣手。冠常陸國。六一二並。

これは此山に男神女神のむかひておはせば也。卷十四登筑波岳丹比真人のよめる長哥の中に明神之貴山乃儕立乃見泉石山跡とあるも

明にはあらず朋なればともにふたなみ也そのよしはそこにいふ也

筑波乃山乎。欲見。君來座登。熱爾。汗可伎奈

氏。六言今本氏を氣とす哥意もて誤をしるよりて字も訓も改む

木根取。嘯鳴登。上の五句は嶮岑にのほるさまなり

者。男神毛。許賜。女神毛。千羽日給而。

ちはひはさちはひの佐をはぶくのみ

云に同じくとこしくときしくと同詞也

雲居雨零。

今本布利と訓さてはてにをは違ふ布留と訓て筑波根をと訓

筑波嶺乎。清照。雲井雨降るは此山のつねに

してふらし照し見せしめ給は此神の意なり

言借石。四言いふのふをにころは借字の常也扱言の意はいふせきなとに同じ今の調は四言の句ありともしらぬ人のわざなり

國之眞保

奥人按にうそふきの字は伊伎の約伊吹の約外にて息外

良乎。まほらは眞中といふに同じ

委曲爾。

示賜者。歡登。紐之緒解而。

かたぬきなとして打くつろきたるをい

也。家如。解而曾遊。

心うちとけてあそふなり

打靡。冠

春見麻之從者。夏艸之。茂者雖

在。今日之樂者。

反哥

今日爾。何如將及。筑波嶺。昔人之。將來其日毛。

詠霍公鳥哥

今本哥の字を脱標にあり例をもて補へり

一首并短哥

鶯之。生卵乃中爾。霍公鳥。獨所生而。己父爾。似而者不鳴。己母

爾。似而者不鳴。宇能花乃。開有野邊從。飛翻。來鳴令響。橘之花

真人按に目串の久
位久初の約にてめ
くするして不嘗也即
目舌の意也

之。牛掃は借字主張に
てぬしばるなり
從來。不禁行事叙。いましめずゆる
し給ふを云なり
今日耳者。目串毛勿見。

吾妻を目細もな
見めでそとなり
事毛咎莫。こと人よりもい
ひとかむなと也

耀哥者東俗語曰賀我比
此注蟲万呂の集の時耀哥の事を注したると見ゆれば此所にあけつ
へしさて今も土佐國匂美郡大川上美良布神社式に有其事号「耀生」

と有て今も並多此祭に出す此かゞひに同じく不義を不禁神の意に叶ふと云
傳へたりとこそもかゝるたぐひと哥もて明らかにしらる是は此國人の哥也

反哥

男神爾。此山を前に二並と云も此
男神女神の二岑もて云
雲立登。斯具禮零。沾通友。今本沾と有は誤也
一本によりて改む
吾將。

反哉。かゝる神事のたはれたる日なれば雲立
しくれはふるともかへるましと云也

右件哥者高橋連蟲麻呂哥集中出
以上廿三首の
事前にいふ

詠鳴鹿哥一首并短哥

三諸之。神邊山爾。立向。三垣乃山爾。秋芽子之。妻卷六跡。朝月夜。

明卷鴛視。足日本乃。冠
辭 山響令動。喚立鳴毛。

反哥

明日之夕。不相有八方。足日本之。冠
辭 山彦令動。呼立哭毛。

今本こゝに右件或云楠本朝臣人万呂作とあるは時代のしらへあるとも歌のことし
らぬ後世人のひかわさ也此あつめ主家持卿のしらへには近きものをよてすてつ

沙彌女王。今案に沙彌氏御母方の姓歟又さみの子てふ哥
もあれは沙彌滿誓なと云僧の沙彌にはあらず
哥一首

倉橋之。大和國
十市郡 山乎高歟。夜窄爾。出來月之。片待難。
此哥相聞なるを常の哥の
部にはふとのせられたる

卷十三に同人宿願
大前初等二首其
二首めに標橋乃山

乎高可夜隱爾出來
此改卷とあるは
月光の卷とあるは
見れば既に卷も
卷十の卷とあるは
三書ははらすは
哥なるははらすは
也必なるははらすは
同案の女ははらすは
かへるの終の句の
し餘るのなれははらすは
るの事

か片まぢかたきて
ふ言もてしらす

今本こゝに右一首間人宿禰大浦哥中既見但來一句相換亦作哥兩主不敢指因以累載とあるは既沙彌女王の哥と定てあけられたるに又此注あるへきならず後人のわさ也仍て捨

七夕哥一首并短哥

久堅乃。冠天漢爾。上瀨爾。珠橋渡之。下湍爾。船浮居。雨零而。かくやうにも

うけ云事古き體にあるは自らなる如聞えりこはよろし共聞えす風不吹登毛。風吹而。雨不落等物。裳不令濕。不

息來益常。玉橋渡須。

反哥

天漢。霧立渡。秋の來りしを云且今日且今日。吾待君之。船出爲等霜。

しを云

右件哥 今本こゝに或云と有しからざる事下云 中衛大將藤原北卿宅作也 北卿は房前卿也且上の哥の下に或云の二字有此哥家持

卿の作るとおもはるれば自或云てふ事をかゝるへき事にあらずこははしめの哥ともにかくかゝれしもあるもて其よししらぬ後人のはしめにならひ書加へししるし哥のすかた書體もて家持卿とはしらす

相聞

振田向宿禰退筑紫國時哥一首

吾妹兒者。久志呂爾有奈武。くしろにあれかし也手に纏玉也劍の事は冠辭考劍著佐久々志呂玉劍の條に委 左手乃。劍は左右共にあるを左

とのみ云は右手はつかふ事繁き物なれば其方をはいみて左手の然も奥所に隠しもてつゝ 吾奧手爾。纏

而去麻師乎。

和氣大首 一本に抜とありされと明ならずよて考るに抜は和の誤にて和氣氏 任筑紫時娶 賦大首はかはねならん前後氏戸のみなれば是もさならんと思侍る

拔氣大首一本
然也

豐前國娘子紐兒作哥一首

今本三首とあれと一首也次の二首端詞の落たるにて別の哥也

豐國乃。加波流波吾宅。

かはるは地の名也豐前國河田郡香春の郷此所に紐兒か家あるなるへし

紐兒爾。伊都我里座

者。

伊は發語つがりはつなかりにて俗のつながれと同言契沖云袋の口を鏝の如く縫をつがりといへり紐の兒の名によりて相思心緒をつがりををいへり兒が家は吾家也と云

革流波吾家。

此間にも端詞脱たり全本を得たる人書加へよ

石上。

冠

振乃早田乃。穗爾波不出。心中爾。戀流比日。

如是耳志。

戀思渡者。靈刻。

冠

命毛吾波。惜雲奈師。

和名抄總名有大神(於保無知)大和豐後後後後津等有同名

○三諸乃。

四

神能於婆勢流。

佩にせるといふか如し神なればあかみていふ

泊瀬河

後に三輪川てふも同じ泊瀬は上なり

水尾

之不斷者。

水尾の緒は伊呂約即水色也流の絶ぬを云

吾忘禮米也。

此哥大神大夫の哥なるへし

○於久禮居而。吾波也將戀。春霞。多奈妣久山乎。君之越奈者。

こえなばこえ

いなばといふ也此哥は宴の時大夫の妻人姉妹などの詠か調も然也

右二首古集中出

大神大夫任筑紫國時阿部大夫作哥一首

於久禮居而。吾者哉將戀。稻見野乃。

播磨の國なり

秋芽子見都津。去奈武子

故爾。

たゞの人をいさことも行はたがこそなどいふはあれとたゞ子といふはもはら女をいへりさらは大神大夫の妻などに阿部大夫の贈たる哥なるか

獻弓削皇子哥一首

女のたてまつれるなるへし

神南備。神依板爾。爲杉乃。

神より板は神座の下の板をいふへしそれを杉板にてするもあれはこゝはおもひもすきすの序に置たるなり

念母不

過。戀之茂爾。

献舍人皇子哥一首

右に同じ女哥也今本二首とあるは誤なり次の哥は別也

垂乳根乃。

冠

母之命乃。言爾有者。年緒長。憑過武也。

たのみといふからは母の末にはとゆるせる也

末にやはやはの意なり

此間に今本端詞の落たる也既

いふか如し次の哥は男の哥也

泊瀬河。夕渡來而。我妹兒何。家門。近春二家里。

今本春を春に誤る

右三首柿本朝臣人麻呂之哥集出

石河大夫遷任上京時播磨

今本磨を磨に誤仍て改む

娘子贈哥二首

絶等寸笑。

播磨の地名

山之岑上乃。櫻花。將開春部者。君乎將思。

是を今本におもはんと訓る

は誤なり

○君無者。奈何身將裝飭。匣有。黃楊之小梳毛。將取跡毛不念。

是をとらんと

おもはしと訓説あれと將取の下跡毛とある事諸本一同なれはとらんとおもはじとよむ其説の誤りならん

藤井連

前に葛井連と有同じ人歟

遷任上京時娘子贈哥一首

○從明日者。吾波孤悲牟奈。名欲山。

和名抄に豊後國直入郡直入郷是か

石踏平之。君我越

去者。

藤井連和哥一首

○命乎志。麻狹伎久母願。

今本二の句麻勢久可願とあるはおちゐても聞えず考に勢は狹の誤其下に伎を脱し久は其まゝにて可は母の誤にて本文の如補へるは眞淵

名欲山。石踐平之。後亦毛來武。

今本終の句の復亦毛と有は全く字を

もいとやすからんと云り命はまさきくと云例集中多し正本を得て糺すへし誤る事しるかれは復を後に改て本文の如暫改なり

鹿島郡苺野橋

和名鈔 輕に作

別大伴卿哥一首并短歌

牡牛乃。

冠辭今本牝と有は誤也此牡牛の事もつゝけからも冠辭に委

三宅之瀨爾。

今本瀨を酒に誤こもよしは冠辭考に委し三宅は和名抄に下總國海土郡三宅郷と有

向。鹿島之崎爾。狹丹塗之。

既云如く狹は發語丹塗にて赤色なり

小船儲。玉纏之。小梶繁貫。

夕鹽之。滿乃登等美爾。

汐の滿終たるを四國にてはとゝひと云美と比の濁と通ふ東にてはたゝへといふ又普通へり

三船子呼。

大伴卿の乗給

麻勢久可願とあるは狹の誤其下に伎を脱し久は其まゝにて可は母の誤にて本文の如補へるは眞淵

和名抄に特牛へ古
鹿比一頭大牛也
國云卷十六にも事
負乃牛合と書た
るもて見るに大
故殊負牛と云歟

へる舟の水主なればみふなことあかまへ云すべて狹塗玉纏もあがまへ云なり

阿騰母比立而。喚立而。三船出者。濱毛勢

爾。道も狹にといふに同じく送り人の濱せまきまてにならひ居て也

後奈居而。

おくれならひをりてと云也

反側。戀香裳將居。足垂

之。泣耳八將哭。海上之。

即三宅の郡の名也

其津乎指而。

今本乎を於とす一本によりて改

君之已藝歸

者。泣耳將哭以上の七句は大伴卿をしたひおほくの人のなごりを惜をいひ海上を指ていにまさばと句を終

反哥

海津路乃。名木名六時毛。渡七六。加九多都波二。船出可爲八。

此反哥長哥を

うけたる事見え長哥に海路のある事もなし其上長哥はあがみ此哥はなめげ也然れば異哥のまきれてこゝに入しならん

右二首高橋連蟲麻呂之哥集中出

與妻哥一首

雪已曾波。春日消良米。心佐閉。消失多列夜。言母不往來。意明なり

妻和哥

松反待却。四臂而有八羽強て也待とは強。三粟冠。中上不來。麻追等言八言にてあるか也

毛。今本呂は追の誤末の子は毛の誤ならんとして暫字を改其據は[?]に大伴家持思放鷹夢見感悅作哥に麻追我弊里之比爾而安禮可母佐夜麻太乃乎治我其日爾母等米安波受家牟此哥は今の哥の意をとられしと見ゆれはもとの句の意は明らかにしらるこれによりて今本の末句の字の誤もしらるさて哥の意はまたはかへりこんといひたるは強言にて其時も過てきまさぬからはまつといふ事はいはしものぞとらめる也

麻呂と有なる道と改今本呂は追の誤末の子は毛の誤ならんとして暫字を改其據は[?]に大伴家持思放鷹夢見感悅作哥に麻追我弊里之比爾而安禮可母佐夜麻太乃乎治我其日爾母等米安波受家牟此哥は今の哥の意をとられしと見ゆれはもとの句の意は明らかにしらるこれによりて今本の末句の字の誤もしらるさて哥の意はまたはかへりこんといひたるは強言にて其時も過てきまさぬからはまつといふ事はいはしものぞとらめる也

右二首柿本朝臣人麻呂之哥集中出

贈入唐使哥

既いふ如く入と書しは此比より誤たる也よてしか訓

海若之。何神乎。齋祈者歟。海中にていつれの神を祭ばよからんと云也 往方毛來方毛。久佐の左は須良約にて行すらも

船之早兼。此哥家持卿の哥なるへし此次の長哥笠朝臣金村哥集中の哥なれば此よみ人は自なる事あきらかなり

今本こゝに右一首渡海年記未詳と有は一本になし全く後人のわさなれはすてつ

神龜五年戊辰秋八月作哥 一首并短哥

○人跡成事者難乎。和久良婆爾。たまさかと同言既出 成吾身者。死毛生毛。つ婆は半濁をしらす

君之隨意常。今本まゝにと有はい 念乍。有之間爾。虛蟬乃。冠 代人有者。大

王之。御命恐美。天離。冠 夷治爾登。朝鳥之。朝立爲管。群鳥之。群直

行者。留居而。吾者將戀奈。不見久有者。

奥人按に此哥は笠朝臣金村と今本に出

反哥

三越道之。雪零山乎。將越日者。留有吾乎。懸而小竹葉背。

長哥共にこは女哥也

天平元年己巳冬十二月作哥

今本作字なし

一首并短哥二首

今本此二首なし例に依て補ふ續紀十天平

元年十一月癸巳任京及畿内班田使云々此時の哥なるへし

虛蟬乃。

冠辭

世人有者。大王之。御命恐彌。磯城島能。

冠辭

日本國乃。石

上。

冠辭

振里爾。

六言

紐不解。丸寐乎爲者。

六言

吾衣有。服者奈禮奴。

六言

每見戀

六言

者雖益。色二山上復有山者。

こは出の字を戲書せる也山上にまた有山は出の字也

一可知美。冬夜之。明

毛不得啼。

今本呼は啼の誤しるし仍て改

五十母不宿一。吾齒曾戀流。妹之直香仁。

たゞかはまさ

かといふに同じ妹に正に相時を云短哥の直に相左右をむかへ見よ扱此たゞは借字直人のたゞにあらすたゞし、まさし、たゞしき、まさしきといふは同言なるおもへ

反哥

振山從。直見渡。京一曾。寐不宿戀流。遠不有爾。

吾妹兒之。結手師紐乎。將解八方。絕者絕十方。直二相左右二。

件右五首笠朝臣金村之哥中出

天平五年癸酉遣唐使船發難波入海之時

續紀天平五年三月遣唐大使多治比真人廣成辭見授三節刀。夏四月

己亥遣唐四船自難波津進發此時の遣唐使なり

親母贈子哥一首并短哥

○秋芽子乎。妻問鹿許曾。一子二子持。有跡五十戶。

今本ひとつこふたつこもたりといへと訓るは誤也

反哥

垣保成。吾中を隔る也成は如也人之横辭。邪言なり繁香裳。不遭日數多。月乃經良武。

立易。月重而。雖不遇。核不所忘。核は借字實の意面影思天。

右三首田邊福麻呂之哥集出

挽哥

宇治若郎子宮所

應神天皇は豊明宮に都したまへり若郎子命も始はそこに宮居し給しなるへし大和也

哥一首

是より下五首柿本人万呂の哥集の中なり

妹等許。冠今木乃嶺。辭

大和國高市郡紀畷には新漢紀明に今來紀明今城集中今城今木とあり皆同地也

茂立

茂一本並と有今本なみたてると訓たるは一本に並とあ

るによりたるなれと茂の字なれはしみたてるとよむへき事なれは訓をあらたむ

孀待木者。古人見祁武。

哥意は此今木の宮所のあたりの嶺にしけくたてる松は今も有其

宇治若郎子應神天皇御弟太子仁德の帝に譲てうせ給へり紀に委しく見

若郎子皇十の見給ひけんと古を思ひしぬひまつるより挽哥には入たり妹らかりの冠辭より松をつままつといひかけたり

紀伊國作哥四首

黄葉之。冠過去子等。携遊磯麻。見者悲裳。

むかしこゝに遊し妹のみまかりりたる後又來てよめるなり

鹽氣立。荒磯丹者雖在。往水之。冠過去妹之。方見等曾來。

この哥の句のうち往水のと

ある水を磯の水とおもふへからすたゞ冠辭とせでは古意にあらず且川の水は行といふへし磯の水にはふさはしからずかへすゝすきにしといはんのみの冠辭と見るへし

古家丹。家は假字へにかりしのみ今本ふ妹等吾見。黑玉之。冠久漏牛方乎。見佐

府下。

玉津島。磯之裏末之。眞名子仁文。今本の訓によりて落字をしる名仁の間に子を脱る事しるかれは補へり爾保比豆

うなひ女の語又さ
つと大和物語に
山院の和名は
奥人此名は
彼家此名は
るつと此名は
かといへるは
へしといへるは

者。上の句の射は發語也此句の感今
本に感とあるはまた誤故改
啼爾毛哭乍。語嗣。俛繼來。處女等賀。奥城

所。吾并。見者悲裳。古思者。

反哥

古乃。小竹田丁子乃。小竹田は同國又隣國の地なるへし妻問石。菟會處女乃。奥城叙此。

語繼。可良仁文幾許。からにも卷三の別記にくはしくある如く故に同じく又そのまゝてふ意ともなるこゝは句を切て意をつゞけり戀布矣。直

目爾見兼。古丁子。末の句今本むかしのをのことよめる訓のいまたしきをあはせ思へ日七。夜十六八。意矣

哀弟死去。作哥一首并短哥。八世。意矣。谷谷向向

父母賀。成乃任爾。成は借字生なり箸向。冠弟乃命者。朝露乃。銷易杵壽。神

之共。此神は黄泉の神也さて朝露の消安き此神共といひてそれにあらそひかねてなり荒競不勝而。葦原乃。水穗之國爾。

家無哉。又還不來。遠津國。黄泉乃界丹。蔓都多乃。如を入れて心得へし各各向向。

天雲乃。こも如くを入て心得へし別石往者。闇夜成。思迷匍匐。所射十六乃。冠意矣

痛。いらるゝ鹿のいたみの如く心をいたみといふを言を隔てしらせたるなり葦垣之。冠思亂而。春鳥能。又如くを入て心得へし啼耳鳴

乍。味澤相。冠宵晝不云。蜻蜒之。心所燎管。こもいるしゝてふつゞけに同じかきろひのことく心のもえつゝなげくとなり

悲悽別焉

反哥

別而裳。復毛可遭。所念者。心亂。吾戀目八方。一本云意盡而とあり

蘆檜木笑。冠 荒山中爾。送置而。還良布見者。情苦裳。野送してかへりなん情誰か此情なくてあるへ

きまことのみまことなる意也

右七首田邊福麻呂之哥集出

詠勝鹿真間娘子哥一首并短哥 是より下五首高橋蟲万呂の哥集中也

鷄鳴。冠 吾妻乃國爾。古昔爾。有家留事登。至今。不絕言來。勝牡鹿

乃。真間乃手兒奈我。真間は下總國也手兒ははての子の意名はほめいふ言也 麻衣爾。青衿著。衿は和名抄に小帶也釋名に衿著禁也禁在

得聞散也とあれは於備と訓へし今本の訓はあやまり也 直佐麻乎。ひたは直也直麻を也佐を助字といふ説は誤也あさのあをはふけるのみ 裳者織服而。髮谷

母。搔者不梳。履乎谷。不著雖行。今本著を看に誤よりてあらたむ 錦綾之。中丹裘有。齋兒

青衿 今本かく訓

毛妹爾將及哉。望月之。滿有面輪二。今本みてるとあれと例によりて改既神の御名にも面足と申をもおもふへし 如花。

咲而立有者。夏蟲乃。入火之如。水門入爾。船已具如久。歸香具禮。

かゞひの所に云如く香具禮の具禮約計にてよりかけ也かたみに心意をよせかくる也委くは別記にいふ 人乃言時。句也是迄男の方を云 幾時毛。不生物

乎。何爲跡歟。身乎田名知而。既いふ如く身をたねらひしり也 浪音乃。驟湊之。奥津城爾。

妹之臥勢流。句也さわく湊の墓にこやすといふは則溺死をいふ也是まで手兒名のころを云なり 遠代爾。有家類事乎。昨日

霜。將見我其登毛。所念可聞。末の句共はよみ人の意也

反哥

勝牡鹿之。真間之井見者。立平之。水挹家牟。手兒名之所念。

見菟名負處女墓

菟名負今本に菟原和名抄に菟原字波良さて此端詞には假字なけれと哥のはしめに菟名負處女と既書たりこをもておもふに原は名負の二字の菟を一字と見

たる全き誤なれ
作哥作は例に
よりて補
一首并短哥

葦屋之。菟名負處女之。八年兒之。

菟名負に歳乃八歳乎切髪乃とあるをあはせて見よ

片生乃時從。

こは誠に生た

小放爾。小放は髪をやゝのひ片生といへり

髮多久麻庭爾。

既女となりたるをいふ委は別記にいふ

並居。父母

家爾毛不所見。虛木綿乃。

窄而座在者。

此者は爾に通ふほとと言也

見而師香跡。

悒憤時之。

をとめかいぶせがる也

垣廬成。人之詭時。

八言垣廬の如く其家の廻りに人多くつとひて心をかけ合時といふな

知奴壯士。和泉の地名也

乎奈比壯士乃。

廬八燎。

須酒師競。相

結婚。爲家類時者。燒太刀乃。

手頭押禰利。

今本預一本頭とある頭の誤しるし細は頭といへは手はそへいふ辭にて頭

を押しねりてお畧言也

白檀弓。鞞取負而入水。火爾毛將入跡。立向。競時爾。吾妹

子之。菟名負處女をいふ也

母爾語久。倭文手纏。

冠辭今本文を父に誤れり

賤吾之故。丈夫之。荒爭

見者。雖生。應合有哉。

此やは也波のやにてかへるてにをは也あふべからぬをいふなり

穴串呂。

黃泉爾將待跡。

隱沼乃。下延置而。

下ばえおくは知奴壯士にしたがはんてふ心をうち／＼に通し置て也

打嘆。妹之去者。血沼壯

士。其夜夢見。取次寸。追去祁禮婆。後有。菟名負壯士。

今本菟原と有て假字はらなびとせりこゝ

をもて端詞の字を誤る事いよゝしるきを見よ仍て改む

伊仰天。

伊は發言のみ

叫於良妣。

蹋地。今本蹋地を踞地に誤るしるかれは改む

牙喫建怒而。如己男爾。

もころは友比也登毛は同行故登を署て毛基呂といふ比とは同俗の意也年比なと云比に同じやかて友又同きと云に意通ふ如己の字をあてつるにて

負而者不有跡。懸佩之。

帶取足緒なといふ物を

小釵取佩。冬暮蒨都

見拾遺抄
四九八

手預拾遺抄

良。冠辭今本字を誤る事も訓を誤れる事も又冠辭考にもれし事もやごとなき御説をもて委く別記にいふ言多わつらはしければこゝに畧 尋去祁禮婆。親族共。射

歸集。永代爾。標將爲跡。今本標を標とせるは誤也一本によりて改 遐代爾。語將繼常。處女墓。中

爾造置。八言 壯士墓。此方彼方。是よりよみ人の意也 一造置。故緣聞而。雖不知。新

裳之如毛。哭泣鶴鴨。

反哥

葦屋之。宇奈比處女之。奧椰乎。往來跡見者。ゆきくるととの留と臣を畧いふ也見てばのは見ればを再約いふ意

なる事上にいふ 哭耳之所泣。

墓上之。木枝靡有。如聞。陳奴壯士爾之。依倍家良信母。これは前の長哥の中の下ばえおきにあ

たるなり

右五首高橋連蟲麻呂之哥集中出

萬葉集卷十一之考終

昭和二年六月二十日印刷
同年七月一日發行

(賀茂眞淵全集
第二卷奥付)

國學院大學藏版



再校訂者

賀茂百樹

發行者兼

東京市京橋區鈴木町十二番地
吉川弘文館
代表者 吉川半七

印刷所

東京市神田區千代田町二十八番地
川瀬松太郎

發賣所

東京市日本橋區數寄屋町	六	合	館
大阪市東區北久太郎町四丁目	合	資	會社 柳原書店
名古屋市西區下長者町四丁目	合	資	會社 川瀬書店
東京市京橋區鈴木町十二番地	日	用	書房
東京市牛込區早稻田鶴卷町三二	國	際	美術社

46
新

44

3111

終